






金石萃編


卷五十七至五十九  
唐

第十六册



TIFFEN Color Control Patches © The Tiffen Company, 2007





金石萃編卷五十七

賜進士出身

唐十七

誥授光祿大夫刑部右侍郎加七級正和讓



令孤德棻碑

碑連額高一丈一尺九寸五分廣四尺二寸五分十五行行七十七字正書額題大唐故金紫光祿大夫彭陽憲公之碑銘十六字篆書

大唐故□□□□□□□□□□修國史□□□□□

闕下

闕上政書

□□□之所興分八口丘爲□□墨□所至□三者□





陽縣開國男食邑二百戶

機攝

尋授侍郎及詔修五代史書命公專撰周史

公博瞻多聞工於著述詳錄典有

修新禮成進爵為

子加邑百戶賚物百冊段頃之又命公與吏部尚書

高士廉刊定成事畢

太宗以業定功成時康歲稔迫

於羣將事

其禮天以為故事

授以正議大夫行右庶子正之敦厚元之

繼比位於公儲君

州

雅州刺史車露冕緝化宣風擴俗蠻懷恩

以公事

許敬宗等

實

少監帛一百

五十匹今 上正位以公守禮部侍郎

事

此

永徽

仍監修國史

抑揚

之

抗表去位優詔不進

通

謝

戴

如

之思闡

素

太宗實錄 食邑

明

皇帝實錄

公增邑一千

於是

仰丘

翱翔林壑抗跡

春秋

春秋

春秋





年遷秘書丞撰藝文類聚高祖詔蕭瑀王敬業殷  
聞禮修魏史陳叔達令孤德棻庾儉修周史封德  
彝顏師古修隋史崔善孔紹安蕭德言修梁史裴  
矩祖孝孫魏徵修齊史竇璡歐陽詢姚思廉修陳  
史歷數年不能就貞觀二年太宗復勅德棻與岑  
文本修周史德棻又奏引殿中侍御史崔仁師佐  
修周史六年累遷禮部侍郎兼修國史賜爵彭城  
男十年以修周史賜絹四百匹十一年修新禮成  
進爵爲子又撰氏族成賜帛二百匹十五年轉太  
子右庶子承乾敗除名十八年起爲雅州刺史詔

改撰晉書書成除秘書少監永徽元年撰定律令  
復爲禮部侍郎兼宏文館學士監修國史及五代  
史志遷太常卿兼宏文館學士四年遷國子祭酒  
修貞觀實錄賜物四百段兼授崇賢館學士尋又  
撰高宗實錄進爵爲公龍朔二年致仕加金紫光  
祿大夫乾封元年卒於家年八十四謚曰憲新書  
傳與此同而稍畧宰相世系表但書官國子祭酒  
不云崇賢館學士爵彭城縣公也碑云公諱德棻  
字季口燉煌人也德棻字某傳不書碑惜泐一字  
其云敦煌人者與其父熙碑同蓋祖貫也碑云曾

口虬魏龍驤將軍闕開國子闕此德棻之曾祖也

北周書令孤整傳整父虬仕歷瓜州司馬燉煌郡

守鄯州刺史封長城縣子卒贈龍驤將軍瓜州刺

史碑云正卿上大夫始豐二州刺史彭陽縣開國

公闕下此德棻之祖也諱整北周書傳孝閔賤阼整

拜司憲中大夫進爵彭陽北史作彭城縣公徐豐州刺

史拜御正中大夫遷始州刺史謚曰襄傳作中大

夫而碑是上大夫也碑云父口上開府儀同三司

兼吏闕下此德棻之父也諱熙有碑見前此下碑述

德棻事云內艱絕漿口粒父憂率由口極議者稱

之据前碑熙之卒在隋仁壽二年碑云服闋授游

騎尉大業中闕傳不書授游騎尉事碑云高祖受

圖誕命淮安王神通闕下參軍專掌詞翰此即傳稱

神通以為記室參軍也碑云以從口京城之口加

銀青光祿大夫大丞相府記室武德之始拜起居

舍人闕下此語與傳合而較傳為詳碑云以本官攝

尚書左丞封彭陽縣開國男食邑二百戶闕下尋授

口口侍郎詔修五代史書命公專掌周史傳不書

攝尚書左丞其遷禮部侍郎及賜爵在修周史之

後碑云修新禮成進爵為子加邑百戶賚物口百

卅段頃之又命公與吏部尚書高士廉刊定成口

事畢闕下傳不書加邑百戶及與高士廉刊定事碑

云授正議大夫行右庶子傳不書授正議大夫碑

云雅州刺史闕下傳作貞觀十八年碑云房元齡口

口口許敬宗等闕下此卽同修晉書事碑云口口少

監口帛一百五十匹此卽修晉書成授秘書少監

傳不書賜帛之事碑云今上正位以公守禮部侍

郎闕下永徽云口闕下宏文館學士仍監修國史尋改

授太常少卿傳與碑同惟授太常卿無少字碑云

春秋八十有四遺口薄葬而闕其卒年据舊傳是

咸亨元年也碑云卅卷並行于時而不詳何書据

新書藝文志是令狐德棻集三十卷也碑云長子

太子右司議闕下据宰相世系表德棻子修已不書

官位是表之畧也碑末又有嫡孫朝三字下俱泐

史表有孫伯陽亦無官位碑有朝字必是叙其官

階而系於碑末必是紀立碑歲月也今既無可攷

始附此碑於乾封二年令狐熙之後當是與熙碑

同時立也書碑者泐其姓僅存其名政字

張開彊尹氏女造像記

記兩面刻一橫廣一尺四寸七分高五寸三分十四  
行行五字一橫廣一尺二寸三分高八寸五分十一

行並  
正書

大唐乾封二年九月三日佛弟子張開彊尹氏女爲父  
母舊貫絳州樂居洛邑女出事他族遠隔山河抽割衣  
資敬造阿彌陀像一區願父母兄弟及因緣眷屬永無  
灾卽值佛聞法

佛弟子張開彊供養

妻蘇供養

女苟兒

男智達

男智興

女夫尹仁則

姪及兒

外孫義成

孫仁習

孫仁表

兄唯信供養佛時

按此碑是張開彊之女歸於尹氏者爲其父母兄  
弟造像以祈福也文云舊貫絳州樂居洛邑絳州  
絳郡屬河東道路邑似卽洛州屬河南郡言其父  
母舊貫絳州遷居洛邑而不自言其居于何許但

言出事他族遠隔山河然出嫁之女繫念父母兄弟無可寄達託於造像以寓其誠一二語中不覺孝弟之心油然而生也抽割衣資者抽拔也割猶捨也皆捐資之意張開疆是其父妻蘇是其母苟兒即女自謂男智達智興皆開疆之子次于女後女之弟也尹仁則為女夫外孫義成疑即女之子開疆之外孫也仁習玉篇云俗辯字仁表似皆開疆之孫而所謂姪及兒者或是開疆之姪與姪之兒也末行兄惟信特提起數字不與眾伍者豈開疆之兄耶

郭君碑

碑高七尺三寸廣二尺七寸前後缺僅存二十一  
行行五十八字行書在汾縣北七十里郭社村

唐故大將軍上柱國郭君碑

上闕

州刺史□□司徒公□□□□華藩分銅

席□□□□羽□□□□□□□□□□

□□□□□□□□□□拔□大都□志隆□□□

備□端懷厚□於九功□畱情於七德汪汪有□□之

量化化有勇夫之質父嵩稟性虛凝不□榮□□□□

□□□□一混是非窮柱下之深趣雙舉鵬鷲得濠

上之幽情公家承禮教藉慶膏腴□□不羣英姿□□

皎皎若霜濤之暎秋桂肅肅似風嶺之茂寒松聞詩禮  
而遊方觀儒墨而觀輿每登高憤歎投筆長懷企梁竦  
之忠謀追班超之義勇□□□□西山之□□□□之戎  
冠六郡之良家雄五陵之俠少屬火運挺災乾綱紊緒  
焚原靡救□類毋遑大唐標□帝之靈文兆蒼精  
之秘錄起□□之積甲建叅野之連旗經綸大夏之墟  
締構潛丘之壤指麾日月負閭闔以□移□□山川□  
□□而□轉於是薦名相府委質戎場揮霜劍而斬老  
生奮長戟而摧霍邑殊勲克著授公上儀同三司十時  
絳州逆命不順皇猷公扼腕齊心衝冠日裂布魚

麗之陣擬却月之

滅

瞬息之間俄然殲滅獲勲居冢授

朝請大夫於時武周作梗同黑山之未平建德亂階類

黃巾之猶熾太原北望無復八煙之墟絳川南指咸爲

戎馬之地危□孤立是日浩州四面

受

敵千里絕援關

山杳杳望長安如日邊歲月遙疑京兆於天上口單

之固卽墨窘若懸巢赦昭之守

陳倉危同累卵於是摠

管真繩公李仲文乘連率之華

當

廟畧之委以公茂族

盤根任之心背親御矢石展効立功授上輕車都尉□

貞觀三年頡利確視

龍庭控弦百萬虔劉都鄙擾

亂邊垂

太宗文皇帝坐黃屋以永懷臨紫宸以

太息傷彼殘賊哀此氓黎爰命英公董戎薄伐公□□  
□之劔持冉有之矛執角爭先中權後勁獲勲第一授  
上大將軍賞物四百段遂乃八表又安四海清晏公乃  
韜戈息騎琴酒怡神咀嚙六經魚獵百氏臨池入木之  
技逸少見以多慙獻賦制檄之才相如謝其清俊上聞  
震辰爰降 綵綸召公爲金門關□將公辭兩疏之  
□冠掛東門謝司農之官傳芳北海至七年又辟公滕  
王□府司馬公志性林泉賞心風月悟有情爲速朽識  
多財爲累愚悲景燭之不□哀靈□之逾遠深憑實相  
宏立勝因雖陸生散千金之資實朱公弃五 □之產

儔斯樹□未可同奉以此固辭確乎不受 太宗文

皇帝崩遺 詔起義元從班例加勲 詔授上柱

國 皇帝駕幸并州公策駟遠□蒙 恩□□□

□□段公勲庸克著英聲美於五已榮寵旣章功名顯  
於六佐如何與善徒欺輔仁多爽滔滔閱水旣一逝而

無歸 冉冉 生靈亦百年而有竭□□□□□□遘疾薨

於私第靈座空而遊塵滿□簷廓而冥禽哀追□德於  
猶生想音徽而以謝農夫輟耜而永歎機婦罷織而長

嗟豈直巷絕歌聲鄰□□□□□以乾封二年歲次丁  
卯十一月丁巳廿八日甲申遷窆於大夏鄉隱泉之原



字必是先世之歷官又有分銅虎字高宗之世不  
避虎也又有志隆字玩上文義當是其祖名其父  
嵩祖與父皆無官位此下叙君之事蹟云大唐建  
義旗薦名相府揮霜劍而斬老生奮長戟而摧霍  
邑授上儀同三司時絳州逆命獲勳居最授朝請  
大夫武周作梗建德亂階危口孤立是曰浩州總  
管真鄉公李仲文任之心膂展効立功授上輕車  
都尉貞觀三年頡利擾亂邊垂太宗文皇帝命英  
公薄伐公獲勳第一授上大將軍賞物四百段召  
公爲金門關口將七年又辟公滕王口府司馬固

辭不受太宗文皇帝崩遺詔起義元從班例加勳  
詔授上柱國皇帝駕幸并州公策駟遠口蒙恩

闕下

遭疾薨于私第以乾封二年歲次丁卯十一月丁  
卯廿八日甲申遷窆于大夏鄉隱泉之原夫人王  
氏令望江東派流并部子宏道並在親衛亞劉宗  
之兩驥埒韋氏之雙珠云云此君之大略也唐書  
宰相世系表郭氏後漢末大司農郭全代居陽曲  
裔孫徙潁州又華陰郭氏出自太原子孫徙馮翊  
又郭有道裔孫居魏州昌樂又中山郭氏世居彭  
城凡此數派皆無君祖父名不知君何派也君里

居不可知据碑云辟滕王府司馬公志性林泉固  
辭不受是不就辟而索居也皇帝駕幸并州策駟  
迎口是從家居迎蹕于并州也則君之所居在河  
東矣据立碑之所在今汾州府汾陽縣北七十里  
郭社村村曰郭社或卽以君姓得名或君有後裔  
世居于此村矣今之汾陽縣在唐爲隰城縣今之  
汾州府在隋爲西河郡唐武德元年改曰涪州卽  
碑所云危口孤立是曰涪州武德三年復曰汾州  
屬河東郡山西通志汾陽縣北四十里有謁泉山  
山上有隱泉水經注文水又南逕縣右會隱泉口

水出謁泉山之上頂俗云暘雨愆時是謁是禱故  
山得其名頂上平地十許頃沙門釋僧光表建二  
刹泉發于兩寺之間東流瀝石沿注山下又東津  
渠隱沒而不恒流故有隱泉之名据碑云窆於隱  
泉之原則墓在今之汾陽其居亦當在汾陽矣碑  
云斬老生摧霍邑是一事在大業十三年七月高  
祖初建義旗時絳州逆命乃八月事武周作梗指  
武德二年劉武周據并州事建德亂階指武德四  
年竇建德援王世充事新唐書太宗紀武德三年  
四月擊敗宋金剛於柏壁金剛走介州太宗追之

一日夜馳二百里宿於雀鼠谷之西原軍士皆饑  
太宗不食者二日行至浩州乃得食碑所云危口  
孤立是曰浩州卽指此碑云貞觀三年頡利擾亂  
邊垂太宗命英公薄伐頡利卽突厥頡利可汗英  
公卽英國公李世勣太宗紀三年十一月庚申并  
州都督李世勣爲通漠道行軍總管華州刺史柴  
紹爲金河道行軍總管任城郡王道宗爲大同道  
行軍總管幽州都督衛孝節爲恒安道行軍總管  
營州都督薛萬淑爲暢武道行軍總管以伐突厥  
卽此事也碑云七年辟公滕王府司馬新書高祖

諸子列傳鄭惠王元懿始王滕貞觀中徙王鄭此  
與滕王元嬰別元嬰乃貞觀十三年所封不在七  
年也太宗遺詔乃二十三年事皇帝幸并州乃永  
徽五年正月事高宗紀二月赦并州及所過州縣  
義旗初嘗任五品以上葬并州者祭之加佐命功  
臣食別封者子孫二階大將軍府僚佐存者一階  
高宗之加恩于義旗功臣爲已厚也此時君策駟  
遠迎宜在進階之列而碑泐矣十一月丁巳朔碑  
不書朔字省文也夫人王氏碑云派流并部是太  
原王氏矣又云痛長城之永別淚染湘川悲隴水

之分流更成嗚咽詳玩文義是夫人尙在也而得  
列於文內是此碑初見子宏道並在親衛上闕五  
字下有兩驥雙珠之語是二子也碑之可攷者如  
此借無史傳可互證也碑書扼腕同扼腕卽史記  
封禪書海上燕齊之間莫不搯腕是也咀嚙六經  
嚙字右旁从舜字書無嚙字此疑是嚙字之訛嚙  
篆作囓右文與隣相似元應在篆法辨訣所謂華  
葉棄乘頭並異舜爵愛受首俱奇者是也起義元  
從斑當作班字班可通作斑此則以斑爲班也

道安禪師塔記

記高一尺七分廣九寸八行行十二  
二字正書在西安府城南百塔寺

大唐故道安禪師姓張雍州渭南人也童子出家頭陀  
苦行學三階集錄功業成名自利旣圓他利將畢以總  
章元年十月七日遷形於趙景公寺禪院春秋六十有  
一又以三年二月十五日起塔於終南山鴉鳴埧信行  
禪師塔後志存親近善知識焉

今在西安府城南百塔寺旁大唐故道安禪師塔記  
書法瘦硬可喜此等小碑甚夥以不著書者姓氏爲

可惜也

雍州金石記

按記云學三階集錄功業成名太平廣記載武德



孫之鎮欽惟 昌運口兩儀以口口口口口口

口口口口口口口口口口口口口口口口

口口口口口口口口口口口口口口口口

巖廊寵懋親賢在於淄川公矣公諱孝同 高祖

太武皇帝之從子 太宗文皇帝之從祖弟也竊

惟流雲降祉種德地於助華御氣騰真至道先於口地

靈功潛運貽 寶祚於千齡 口口口口口口

貞符於三口十九皇而統極一六合以為家是以睿口

鬱雲臨扶若而交蔚口源蕩日掩河漢以分流比夫黃

神渥圖得姓止乎任姑丹書受命錫靈口乎應韓固可

同年而語矣 曾祖太祖景皇帝沈跡栖神韞龍

田以雲覆飛英演化應贊谷以颺騰八柱之業載宣萬

寓之心口係同夫后禋口景命於岐口取譬口陽口口

口於口口口 聖之徵口北配天之典逾峻祖寧

州趙興郡守海州刺史鄭孝王粹表霞軒雄圖岳立軼

東平而振響架北海以翔英父光祿大夫宗正卿左領

都督口衛大將軍山東道行臺尚書左僕射口口大將

軍元口軍將開府儀同三司上柱國贈司空淮安靖王

屬締構之初材高八子會經綸之肇寄重口南負寥廓

而上征凌口餘而獨運擬諸漢室楚元推轂以並驅方



冥至哀毀逾禮雖線服告終而琴聲不作既而承顏聖  
善弛情宦路侍鮑輦於西園奉潘軒於東閣蒸蒸不匱  
僅將一口 朝廷嘉之不奪其志就拜游擊將軍

旌厥美也而口口難靜茹荼口集抑其滅性之規永結  
終身之痛服闋授右衛交川府右果毅都尉尋除右衛  
親衛府左郎將未幾遷中郎將 皇上纂圖加寧

遠將軍累遷左千牛中郎將兼檢校左衛將軍尋拜左  
驍衛將軍巡警口口廬口切司階之任抑揚口口克著聞  
聲之想口口清口將之聲口穆竹符載剖口良之寄  
是歸顯慶二年授使持節普州諸軍事普州刺史宣風

玉壘叱馭而越危梁恤隱銅陵坐嘯而清曠俗俄以他  
事坐爲士口尋授播州刺史舉計入朝 詔復本

官原其非罪旋加明威將軍仍統右羽林軍事屬南薰  
之期典北軍之重密勿軒禁時論榮之有事今丘親陪

鑾駕口金啓路清鳳蹕於離宮會玉升口肅龍

麾於帳殿黃承千祀之慶載紆七命之寵口壯武將軍  
乾封三年遷右衛將軍仍舊北門供奉鉤陳効職庶長  
奉於 紫宸劔折胎妖遽歸全於元夜以總章二

年十一月口五日薨於京師口安之里第春秋六十有  
口 宸襟軼悼乃降 詔曰飾終加等義在

於念勞□往由恩理存於顯懿故右衛將軍淄川縣公  
李孝同地分□戚□重簪裾幹藝優□風鑒開爽割苻  
方鎮仁明之化載彰肅旅中軍爪牙之寄斯允□□□  
□□□□□衡□夜壑□舟□貽□於瘞玉奄從物化  
寔愴于懷宜被寵章式旌幽窆可贈左武衛大將軍使  
持節都督代忻朔蔚四州諸軍事代州刺史□□物一  
百五十段米粟副焉□□□□□□□□□□□□□□  
人□□□□□□□之日特降 □中使賫錦被及  
衣一襲以送終 惟公承累 聖之□□資樂善  
之餘慶□□英勇□□初髫靖王嘗謂妃曰昔□□□

□□□□□慎□子何□□□以其小名錫之□字雖  
復顧雍早秀先憲伯喈之名桓温夙敏爰採太真之姓  
比跡傳事固無□□泊於成立卓焉俊邁□□□□□  
之□□姿開朗月之華□□□□□□□□□□□□  
□陔竭地義之範荆庭睦天倫之愛故能武帳升班戎  
軒締□寔惟肺腑之重委以腹心之寄門羅棨戟躋一  
代之殊榮室滿□□□百年之□□所□□流□□德  
□□□□□□□□□□□□□□□□□□□□□□  
長揖之期嗚呼哀哉粵以咸亨元年歲次庚午五月廿  
四日歸窆於靖王之舊塋禮也有子朝散大夫行□□



膺寶歷靖王心然之云云此亦可為先見矣撰文姓

氏已不可求書者據趙明誠為諸葛思楨今亦磨蝕

但其筆法虬健波拂處大類褚河南可寶也石墨鵝華

在三原縣北白鹿原不知誰撰諸葛思楨書獻陵陪

葬僅存此碑來齋金石刻考略

按碑文二千三百餘字惟首行泐其大半餘存十

之八九事蹟尙可考也碑云公諱孝同高祖太武

皇帝之從子太宗文皇帝之從祖弟也曾祖太祖

景皇帝祖寧州趙興郡守海州刺史鄭孝王父光

祿大夫宗正卿左領都督口衛大將軍山東道行

臺尙書左僕射口口大將軍元口將軍開府儀同

三司上柱國贈司空淮安靖王唐書宗室世系表

太祖景皇帝八子其一即始祖元皇帝生高祖神

堯皇帝也其第八子鄭孝王亮隋趙興太守長社

郡公是為大鄭王房亮生二子長曰淮南靖王神

通神通生十一子第三子曰淄州郡公孝同舊唐

書傳淮安表作淮南王神通父亮隋海州刺史武德初

追封鄭王新書傳鄭孝王亮仕隋為海州刺史追

王是趙興太守海州刺史表與傳分見而碑則連

書之且增寧州二字其長社郡公獨見於表碑傳

俱無考隋書地理志無寧州趙興之名其海州本  
東莞瑯琊二郡地東魏武定七年嘗置海州東彭  
城郡始有海州之名齊周之朝置胸山東海二郡  
隋開皇初廢東海郡大業初復置至唐初始置海  
州東海郡屬河南道則隋時未嘗有海州亮何緣  
爲刺史是碑傳與地理不合也長社亦無此郡名  
有東魏有長社縣屬潁川郡武定七年縣廢至隋  
開皇六年卽其地置長葛縣則表云長社郡公者  
亦不合也舊史神通傳神通隋末義師起入鄆縣  
山南舉兵以應與司竹賊帥何潘仁連結下鄆縣

衆踰一萬自稱關中道行軍總管高祖授光祿大  
夫從平京師拜宗正卿武德元年拜右翊衛大將  
軍封永康王尋改封淮安王爲山東道安撫大使  
竇建德敗復授河北道行臺尙書左僕射從太宗  
平劉黑闥遷左武衛大將軍貞觀元年拜開府儀  
同三司賜實封五百戶四年薨贈司空謚曰靖配  
享高祖廟庭有子十一人第三曰孝同淄川王此  
神通歷官之始末也新傳大較與碑合惟山東道  
安撫大使河北道行臺尙書左僕射碑則合而爲  
山東道行臺尙書左僕射也且太宗元年分天下

爲十道但有山南無山東也開元二十一年始分  
山南江南爲東西道於是有山南東道之名然亦  
不得直謂之山東道也疑碑與史皆譌山南爲東  
耳碑此下述孝同之事有云高祖踐阼於時甫戢  
干戈廣置庠塾乃於延閣別開學館賢戚子弟擇  
秀口者口之公以風成口口俊選此是武德元年  
事文獻通考武德元年詔皇族子孫及功臣子弟  
於秘書外省別立小學是孝同此時充小學諸生  
也孝同以總章二年薨春秋六十有口則武德元  
年僅十餘歲故應俊選也武德九年徙爵爲口從

朝典也碑泐一字當是徙爵爲公也舊史道彥傳  
載高祖初受禪以天下未定廣封宗室從弟及姪  
年始孩童者數十人皆封爲郡王太宗卽位問侍  
臣曰徧封宗子於天下使乎尙書右僕射封德彝  
對曰不便是率以屬疎降爵是時道彥等並隨  
例降爵道彥爲孝同之兄据此碑則孝同亦在降  
爵之列也有事介丘親陪鑾駕是乾封元年封泰  
山事京師口安之里第泐一字當是長安也賜物  
一百五十段米粟副焉以陪葬昭陵諸碑之例推  
之則米粟亦百五十石也其賜錦被襲衣以送終



參已口山順鬻參乎爾崇洲場  
 糾轉間難自楚曠吳其於以  
 其其實幾廢廢止場氣生髮  
 策鄂微瑤函吐祇方壺飛關口  
 紮雨游隄回九斷率調商不  
 敦圍頓供宵故蘇節聖而崇  
 時固災昭章神輅口嚮翟觀  
 心冥曠幽黎無爽情以  
 育貞載禮卓忠瓊蟻心悉  
 躡位 藩閩種頤贊美興豈  
 發

少養亨鍾副劫絃絃是肅  
 蘇護亦箇叶曜中崖刃曠  
 閣瓜口止真禱屈仄町止規  
 成勿麻思蘇廣聖垂引欒  
 隊軌崇澄灌惟節儀儂  
 生靈幾櫛增垂繁弱後  
 鞞個賜藉洞真社兩  
 儀勇高嶺射豈  
 蒸以姦劄  
 等痛塵過崇感切所  
 棣泣  
 此

疆自禱慎頗極術  
 爵副總幾  
 修陸倫茂視息婦  
 超燹門  
 八  
 通突漢瞻望島  
 建彰巨徒瑰奇  
 哀何堪  
 乙  
 款襟飾扁祈福  
 靈  
 俞慈廬  
 貞  
 函  
 歷  
 凡  
 古  
 而  
 士  
 木  
 非可  
 解  
 止  
 對  
 籍  
 鑄  
 自  
 謬  
 燃  
 止  
 受  
 肅  
 奉  
 虫  
 穎  
 圖  
 潤  
 隙  
 質  
 映  
 向  
 飛  
 齋  
 靈  
 蟻  
 火  
 煒  
 金  
 真  
 搖  
 耀  
 錫  
 金  
 關  
 止  
 且  
 麟  
 萃  
 參  
 祥  
 琳  
 房  
 止  
 可  
 觀  
 虞  
 齒  
 交  
 晞  
 萃  
 勃  
 某  
 器  
 席  
 向  
 飾

翠雲  
 止  
 肉  
 卷  
 皇  
 鬱  
 味  
 屏  
 止  
 壽  
 君  
 歲  
 長  
 戰  
 式  
 丑  
 口  
 祈  
 乙  
 斯  
 勝  
 二  
 煎  
 神  
 理  
 豸  
 鼻  
 構  
 積  
 瑞  
 齋  
 飛  
 常  
 灸  
 隆  
 謁  
 犀  
 帝  
 焚  
 人  
 關  
 藉  
 的  
 嶸  
 於  
 乙  
 踏  
 齋  
 心  
 懸  
 解  
 衣  
 恭  
 茶  
 之  
 恒  
 儀  
 乙  
 獨  
 爾  
 推  
 對  
 炎  
 而  
 亦  
 極  
 亦  
 茲  
 多  
 向  
 藩  
 墻  
 瑀  
 陸  
 如  
 山  
 化  
 志  
 出  
 巢  
 頰  
 車  
 止  
 雨  
 循  
 既  
 自  
 勵  
 萬  
 昌  
 齊  
 而  
 止  
 志  
 刊  
 也  
 鑿  
 門  
 日  
 獨  
 得  
 回  
 虫  
 噪  
 響  
 屋  
 日  
 齋  
 棧  
 夢  
 所  
 齋  
 衣  
 冬  
 極

船軒木騰結歸靈泉劬義切綵憑  
止歸聖德興喜痛禱禱狀止賤  
好補輝懋華可靈肯踴瞻留景  
於政安物紀餘魂烈嗚情不禱  
影醴昨頁福稟委也之吉音儀  
德風舊空傳敬也感慕緒天可

釋文

有唐五十三祀龍集敦牂哀子李訓誼謨諶銜恤在疚  
寘懷靡所永言報德思樹良因敬立

大道天尊逮侍真像粵若稽古藐觀遂初真宰貞乎得  
一混成表於沖用元之又元蹟超言象之域惟恍惟惚  
理冥視聽之端是以响山順風勞乎靡索汾陽御辯宵  
然白喪曠矣哉道之韞也其寄於察廓之場焉至於玉  
笈宜徽琅函吐秘方壑神闕蒙穀靈遊倏忽九陔導飛  
廉而從敦圉俯仰六合戴列星而乘雲氣固亦昭章逸  
軌勝嚮孤風淳化其瞭幽契無爽伏以先妃含貞載  
德克懋瓊儀延慶台華正位潘闕動容資於典禮發  
言光乎箴訓故紘縤是肅粲盛無違大當叶曜中閨以  
睦況倚閭分甘之澤徙居側昫之規義越人倫恩深振

古重以凝神道域抗志澄源淮館儀山參鴻寶之靈術  
楚壇敷教暢微言之盛範儒元兼洞真俗兩該德行母  
儀事高嬪則豈圖吳天不惠積善無徵咎罰奄鍾茶藜  
俄集訓等痛纏過隙感切風枝泣血攀號自期顛殞祗  
奉嚴訓慈勉備隆偷存視息適移氣序几筵寂寞  
瞻望長違創巨徒深寄哀何地所以貪建餘漏祈福元  
宗敬寫真容庶幾終古而土木非可久之致鎔鑄爲誨  
盜之先肅奉冲規圖輝貞質眸容伊穆元儀有焯金  
真摛輝疑金闕之易奔琳華揚彩若琳房之可觀霓裳  
交映歛駕斯畱帝晨飾翠雲之美香童散朱陵之馥載

彫爰戰式展口祈以此勝因上資神理伏願栖真碧落  
飛步黃庭謁羣帝於天關攜列仙於雲路融心懸解宅  
美希夷注儀隣以洞煥指乾坤而齊極介茲多祉藩  
度惟隆如山作固永播熊章之烈循咳自勸冀申烏鳥  
之志孔明在鑒匪曰道遐昌言噪口庶斯無拔昔人銜  
哀罔極鈔槩騰聲柔紛克劬義切張憑之誅至德興思  
痛深陸機之賦况清輝懋範宛若前蹤瞻言景行敢忘  
刊紀餘魂弱喘情不逮文謹託真猷直書心事音儀日  
遠風烈空傳叨心感慕終天何及

咸通十一年歲次庚寅七月辛亥朔十一日辛酉鄭

承規奉命書

右碧落碑在絳州龍興宮宮有碧落尊像篆文刻其背故世傳爲碧落碑據李璿之以爲陳惟玉書李漢以爲黃公譔書莫知孰是洛中紀異云碑文成而未刻有二道士來請刻之閉戶三日不聞人聲人怪而破戶有二白鴿飛去而篆刻宛然此說尤怪世多不信也碑文言有唐五十三祀龍集敦牂乃高宗總章三年歲在庚午也又云哀子李訓誼譔諶爲妣妃造石像按唐書韓王元嘉有子訓誼譔而無諶又有幼子訥元嘉以則天垂拱四年見殺在總章三年後十

八年有子訥不足怪而不應無諶蓋史官之闕也集古錄

右唐碧落碑大篆書其詞則唐宗室黃公譔所述或云陳惟玉書或云譔自書皆莫可知李肇及李漢並言李陽冰見此碑裴徊數日不去又言陽冰自恨其不如以槌擊之今缺處是也此說恐不然陽冰嘗自述其書以謂斯翁之後直至小生於他人書蓋未嘗有所推許唐人以大篆當時罕見故妄有稱說耳其實筆法不及陽冰遠甚也金石錄

絳州有碑篆字與古文不同頗爲怪異金石文字記云絳州有咸

通十一年鄭承規釋文但篆文難通者頗多而翻刻復多舛誤李陽冰見而寢處其

下數日不能去驗其文是唐初不載書者姓名碑上

有碧落二字人謂之碧落碑

李肇國史補

碧落篆李肇得觀中石記為陳惟玉書字奇古行筆

精絕不類世篆學而惟玉于唐無書名于世不應一

碑便能到古人絕處李陽冰于書未嘗許人至愛其

書寢臥于下數日不能去段成式謂碑有碧落字故

以名之李肇謂碑在碧落觀故名李漢謂終于碧落

字而得名余至絳州龍興宮考其記知舊為碧落觀

又篆文若未畢者終非碧落字則肇說是也其二云有

唐五十三禩龍集敦咩永叔謂高宗總章三歲以唐

歷攷之實咸亨元年總章者誤也絳州碧落篆刻

天尊背州將不欲以槌擊石像迺摹別石因封其舊

石像今世所得皆摹本也雖橫直圓方典型有稽然

遁其神者衆矣段成式言樊宗師作誌令陳惟玉立

太行山上此言險怪難知豈嘗求得其當而妄戲哉

世言字不攷古甚則以品為鄰今于古文數字正如

此便知後世不識古字而妄議者可以歎也

廣川書跋

絳州碧落碑唐高宗咸亨元年庚午歲韓王元嘉之

子訓等為其妣房氏造碧落天尊像于龍興宮而刻

其文于背故以名碑然不知何人書據李璿之玉京宮記以為陳惟玉李漢黃公記以為李訓弟誤殆莫能定而翠岩龔聖予則又以為宗室瓘豈或有所攷耶吳叡張天雨讀口為喧為躍者非當以釋文鄰字為是俞希盧辨叨作叩亦夫篆而釋文則又訛矣蓋此雜出于鐘鼎篆籀諸文其亦曼曼乎難知哉休從水人說文中音乃歷反溺則音奴弔反釋文今借休為溺亦恐非本字之義而其他可疑者甚眾攷禮之冗未暇及之姑識其後侯博雅君子正焉

鑿坡集

余不解篆書然於此碑則絕愛之其筆法有數字與常篆不同亦稍怪三乍觀之彷彿石鼓文第字形稍長耳雙白鴿事良涉誕妄然世間怪事固有彼時有如此篆手不應無聞亦不應祇書此一碑傳疑可也

書畫跋跋

碧落碑其文曰有唐五十三禩龍集敦牂歐公謂為高宗總章三年董道謂為成亨元年按總章三年三

月始改成亨耳

石墨鐫華

唐韓王元嘉絳澤二州皆有子黃公為妣妃薦祀作文立石以表孝誠文雖不同而俱名曰碧落在絳州者刊於天尊之背在澤州者立于佛龕之西

五總志

碧落碑篆書韓王元嘉四男爲母房太妃立碑云有  
唐五十三祀龍集敦牂則咸亨元年也唐書言垂拱  
中元嘉徙絳州刺史與此不合今在絳州有咸通  
十一年鄭承規釋文但篆文難通者頗多而翻刻復  
多舛誤如淮館儀僊釋僊爲山貪逮餘漏釋逮爲建  
注儀鄰以同煥釋同爲洞在書心事釋書爲言敏心  
感慕釋敏爲叨竝誤敏古叩字出周禮宋謝靈運山  
居賦卷敏敏之逸曲感江南之哀歎用此字此碑用  
粵若稽古作乚託字作佺宋韓侂胄字本此金石文  
字記  
篆書三代尙矣下訖秦絕矣世傳三代遺跡皆屬贗

作獨岷陽石鼓文彝器款識爲真卽字畫不必盡識  
而古雅無前望而可辯此碑獨以怪異與人以不可  
解所以有肩戶化鴿之說而點畫形象結體命意雜  
亂不理其高處不能遠追上古下者已墮近代惡趣  
如村學究教小兒角險字凡俗可厭定爲惟玉輩書  
無疑唐人於八分尙不能造極况古篆乎後人憚於  
傳聞之異眩然莫辯遂不敢輕加評駁不知李陽冰  
之摹習非爲盲瞽定屬謬傳曷足據爲斷案耶釋文  
雖非至者反不失唐人氣格但作字潦倒未稱此石  
無足深論獨恨不能起元美于九原而與之上下其

議爲之惘惘

金石史

元嘉六子碑止列四舊唐書稱穎川王訓早卒新唐書又稱上黨公諶早卒彼此互異蓋流傳誤耳

竹雲題跋

劉太乙金石續錄云按唐書韓王好學藏書萬卷皆以古文字參定異同子讓封黃公工辭章孟利貞嘗稱其文曰劉隣之張思茂不是過也家書甚多皆文句詳正秘府所不及据此則謂碑爲誤書理或然也

金石存

董道廣川書跋云段成式謂碑有碧落字故名李肇謂碑在碧落觀然考之國史補則肇正謂碑有碧落

字耳李漢又謂碑終於碧落字董道駁其非今以篆文驗之僅有棲真碧落一語既非全文結束亦非文中要語攷古人詩文字迹舉一行首標目者有之無以末字目全文者其謬益不待言歐陽公集古錄謂龍興宮有碧落尊像篆文刻其背宋潛溪亦云唐高宗咸亨元年庚午歲韓王元嘉子訓等爲其妣妃房氏造碧落天尊像於龍興宮而刻文于背董廣川則謂嘗親至絳州龍興宮攷其記知爲碧落觀今以篆文驗之但云立大道天尊建侍真像無所謂碧落天尊者疑廣川所云碑在碧落觀而龍興舊爲碧落者

爲得其實此碧落之所由名也廣川又謂州將不欲以槌擊石像背乃摹別石今所傳皆摹本而五總志謂絳澤二州皆有韓王元嘉子黃公爲妣妃薦福作文立石文雖不同皆名碧落碑在絳州者刻於天尊之背在澤州者立於佛龕之西今以篆文驗之則云哀子李訓誼謨諶等銜恤在疚寘懷靡所永言報德思樹良因敬立大道天尊建侍真像又云敬守真容庶幾終古則刻文像背者近之州將摹石事理所有顧其文不容有二則所云澤州傳刻者又不知出自何人也集古錄云李璿之以爲陳惟玉書李漢以爲

黃公譔書趙明誠金石錄云其詞則宗室黃公譔所述或云陳惟玉書或云譔自書廣川疑惟玉唐無書名不應一碑便奄有秦漢遺文到古人絕妙處宋潛溪又謂翠巖龔聖子以爲宗室瓘或有所攷終莫能定其何人而前人論書率歎其妙絕至謂李陽冰見而寢處其下數日不能去又言陽冰自恨其不如以槌擊之今缺處卽是子謂前說本歐陽信本觀索靖碑語附益之後說鄙謬不足辨趙明誠謂唐人大篆少見故妄有稱說似得其隱然其文亦不純用籀文故周伯琦疑其雜出諸體而李西涯亟取其說愚謂

自漢以來隸草盛行篆法惟習說文解字古文籀書  
 幾於中絕所傳陽冰二徐及夢英輩大率皆嶧山一  
 種以勻圓齊整為上不知古人繁簡參差惟意所適  
 按之石鼓及夏周以來器物款識尚可推其遺意此  
 碑超出相斯窠臼筆法亦自深穩意訓誤弟兄皆振  
 奇好古之士雜取籀文兼及小篆加以詭辭標置駭  
 動世俗如道士白鴿神異故有名當代爾汪由敦松泉文集  
 右李訓等造大道天尊像記世所稱碧落碑也篆書  
 奇古小儒咋舌不能讀賴有鄭承規釋文稍可句讀  
 至其假借之原好古者猶或昧焉有以聲相轉而借

者寧之為空凭之為伏厝

古文

之為廉是也有以同

音相借者顛為之宜顛之為規瓊之為柔是也有以  
 偏傍相同而借者埠之為敦揣之為端藻琛之為深  
 塵之為纏驢之為號堆之為維鬻之為烈窳之為滅  
 術之為同瘦之為度禱之為猷柯之為何是也休本  
 沈溺字故借為強弱之弱胃本目眇字故借為元妙  
 之元杉本曷各字故借為文章之文廣疋筵西皆訓  
 席故以迺為筵飄見周禮鬻會見石鼓文假見漢書  
 龔祿繫泉典夬稟夬之為古文縻戴醜之為籀文皆  
 見於說文畧舉一隅亦足見古人精於小學非不知

而妄作也 碧落碑釋文咸通十一年鄭承規所書  
 距造像時已二百年矣承規書名不甚著而楷法道  
 整釋文未審即出承規之手或別有傳授否要非精  
 研六書博涉古今者不能辨也自宋以來篆書家奉  
 此釋為金科玉律莫敢易一字顧寧人始糾其誤者  
 數字然如直書心事句碑本釋為書而顧謂其誤釋  
 為言則又太不檢照矣予習是碑有年乃覺承規所  
 釋尚有未當者而前人皆未及舉正如瓊璣鄭釋為  
 瓊儀攷說文本有瓊字讀若柔从玉瓊聲瓊與孫同  
 說文有瓊字無孫字故瓊有柔音不當釋為瓊也噪閻鄭釋為

噪閻按玉箴噪古弔切聲也亦作叶又噪五弔切叶  
 也噪與嘒皆叶之異文不當釋為噪也中逮字兩  
 見鄭前釋為逮後釋為建並誤按說文逮古文  
 碑前云敬立大道天尊逮侍真像後云貪逮餘漏皆  
 當釋為及宋書范蔚宗徐湛之兩傳竝有貪及視息  
 之語則貪及二字固有本矣鄭謂為逮顧讀為逮所  
 謂楚失而齊亦未為得也潛研堂金石文跋尾  
 此碑書體不必純用小篆然其用字結體偏旁假借  
 多有根据即以說文解字校之如唐之作古文唐  
 易三之作古文三言之作古文从言之德之作古文德

易三之作古文三言之作古文从言之德之作古文德

德又作惠德从惠聲古敬之作義敬从苟古文苟及

之作謙古文及作謙案下文玉笈作謙疑亦用此

古之作鬪古文古遠之作端古文遂得之作得古文

急之作成之作成之作成表之作表勞之作勞

驚古文勞御之作御廣廣案下案廉廉克克光光古文章古文章

徒之作徒實之作實圖之圖

終之作終致之作致嚴嚴備之作備揚揚

朱朱上上之之步步帝帝帝帝帝帝帝帝

之之之之之之之之之之之之之之之之

唐十七

真之



禮作慧也豐行禮之器也禮履也盛作履也盛盛黍稷

在器中以側昝作廐廐日在西方時敷教作勇勇布

也過隙作京也京際見之光也過移作迢迢遷徙也移

餘漏作扇扇屋穿水下也漏以銅敬寫作愍愍敬也

勝因作韞韞因說文折字也案捆从手因聲今从韞在公

中作韞篆文从手折故此字以韞代手上住儀作

倝倝立也讀若馬不行也讀若住二字同聲同義又木部

樹立也讀若駐取部豎立也是倝樹駐也住豎六字

聲義皆同說文無住字郭璞方言注云逗豎並同煥作衙衙

住當作逗逗止也亦有立義倝逗豎並同煥作衙衙

从豆聲故此字借用倝倝文作注非是謹託作侂侂寄也此

街也同柔紛作錄錄鐵之更也謹託作侂侂寄也此

假借之聲義皆同者也惟忽作自也按釋文作忽忽忘

字矣哉作戔言之間也靈旂作詭玉事神或从巫作

靈柔儀作瓊瓊玉也讀若柔按釋恩深作濛濛蒲弱

深水出桂陽南痛纏作屨屨一畝牛一家攀號作號

平西入營道號土盤也讀寂寞作漠漠北方流沙也一曰清也庶

若鎬號呼也寂寞作漠漠北方流沙也一曰清也庶

幾作豔豔也幾微也說事之樂冲規作虛穎虛氣虛也老

用之冲涌搖也讀若動案上文冲用字當作虛亦載

假借字類小頭類類也讀若規規有法度也

彫作翫翫設任也讀式展作亞也展轉也碧落作

絲絡絮也一曰麻未溫也風烈作鬻鬻分骨聲讀若

並同烈亦从列得聲故此借義何及作崇書曰盡執

並同烈亦从列得聲故此借義何及作崇書曰盡執

並同烈亦从列得聲故此借義何及作崇書曰盡執

並同烈亦从列得聲故此借義何及作崇書曰盡執

並同烈亦从列得聲故此借義何及作崇書曰盡執

柯何也此聲同之假借也敦牂作嶂嶂重聚也敦怒也詆也一日誰

何之端作端端筆也一日端度也一日劉弱喘作休也端直也端物初生之題也

伏沒也弱撓也上象撓曲多象毛髯撓弱也弱物并故从二弱案說文溺為水名休訓為沒即沈弱之溺

借為強弱字此聲近之假借也伏以作凭凭依几也周書凭玉

讀若馮空傳作空空空也此又義近聲近而假借也伏司也空竅也

惟文中𠄎字本古文更借為不惠發字本古文奏借

為伏願於義於聲殊難通轉皆所未詳餘如颯字登

於周禮莢字載於潛虛𠄎字見於習鼎廊字陪字見

於石鼓文𠄎字見於秦刻石才在又有諸字雜出鐘

鼎銘款求之於古皆可徵信不得以尋常古篆例視

之也嚮來著錄家攷之未盡為廣其說如此錢侗

按碑凡六百三十字闕者四字文皆古籀不易讀

咸通十一年鄭承規用正書釋文刻石於旁然後

可讀然承規稱奉命書命字空一格不知奉何人

之命也碑云有唐五十三祀龍集敦牂哀子李訓

誼謨諶銜恤在疚寘懷靡所云云唐自武德元年

至咸亨元年得五十三年是年庚午太歲在午日

敦牂也是年三月改元碑無年號月日不知其為

咸亨抑尚是總章也訓誼謨諶皆韓王元嘉之子

居母喪造像祈福而自稱哀子此後世母喪稱哀

子之緣起也韓王元嘉高祖第十一子新唐書元  
 嘉傳稱其有六子下列名只訓誼謚誤訥五人宗  
 室世系表亦只訓誼謚誤訥五人內謚誤次第表  
 與傳例互今表與碑合則傳誤也舊史傳稱元嘉  
 長子訓高祖時封潁川王早卒次子誼封武陵王  
 官至濮州刺史天后臨朝將誅戮宗室不附己者  
 元嘉大懼與其子通州刺史黃公譔謀起兵不成  
 坐誅神龍初封其第五子訥為嗣韓王舊傳止此  
 四人謚不與焉新書傳則云訓潁川王誼武陵王  
 譔上黨公蚤卒譔黃公又云謚通音律歷杭州別  
 駕與譔俱死神龍初第五子訥嗣据集古錄以為  
 唐書韓王元嘉有子訓誼譔而無謚蓋史官之闕  
 於是歐陽公按唐書乃補謚語於傳也然歐公既  
 謂舊史無謚為史官之闕何以新書稱元嘉六子  
 所叙又只五子且既云譔上黨公早卒矣而又云  
 謚與譔俱死似係同為武后所害者所未詳也頗  
 疑蚤卒二字當在誼武陵王之下譔書於謚上黨  
 公下耳訓生於貞觀年至咸亨元年造像立碑時  
 約三十歲則舊傳稱早卒者亦非也特在垂拱被  
 害時不見有訓且不見有誼則已先卒矣兩唐書

傳但載元嘉母爲昭儀宇文氏而不及元嘉之妃  
某氏碑又但稱先妃不詳其姓据鑿坡集跋謂爲  
房氏因考唐書房元齡傳云貞觀十五年女爲韓  
王妃男遺愛尙高陽公主乃知房氏卽元齡女也  
韓王以貞觀十五年册妃則訓之封潁川王當在  
高宗時舊史稱高祖時者亦誤也訓爲母造像而  
云土木非可久之致是不爲雕素也鎔鑄爲誨盜  
之先是不爲範金也肅奉沖規圖輝貞質沖規空  
一格與前祇奉嚴訓同例當亦承其父命爲之貞  
質者貞石之質則天學爲石像也詳玩下文有睟  
容伊穆元儀有煒清輝懋範宛若前縱之語似乎  
其母像亦刻石侍于天尊之側者自成亨元年造  
像刻記至咸通十一年釋文刻石相距二百十年  
不知何以忽有此釋文之刻據元嘉傳稱神龍初  
復爵土以第五子訥嗣傳至孫煒建中中改王鄆  
後懿宗以鄆王卽位復改嗣韓王懿宗建號咸通  
此碑始以韓王復嗣而追崇其先祖之功德及於  
遺碑因加以釋文也舊傳稱元嘉少好學聚書至  
萬卷又採碑文古跡多得異本及與其子譔坐誅  
籍沒譔父子書籍最多皆文句詳定秘閣所不及

新傳稱元嘉藏書皆以古文字參定同異誤工爲  
辭章孟利貞嘗稱其文曰劉隣之周思茂不是過  
也則以此碑爲誤所撰書理或有之或文前列四  
子名中稱訓等痛纏過陳云云無誤爲文之據則  
亦付之臆度而已有唐一代篆書碑無多碧落碑  
尤爲有名宋初郭忠恕所以編入汗簡今取碑文  
與汗簡參較汗簡筆法皆得籀文遺意此碑筆畫  
皆易以方整全非籀文面目至其文字之不同者  
如思樹良因碑文思作呂良作員汗簡思作員良  
作員惟悅惟忽碑文忽作回汗簡作回寄於參廓

之場碑文於作發廓作廳汗簡於作發廓作廳玉  
笈宣徽碑文宣作顯汗簡作顯淳化其瞭碑文其  
作奠汗簡作奠先妃碑文先作橫汗簡作袞克懋  
瓊儀碑文瓊作瓊汗簡作瓊潛研跋謂瓊以同音  
借爲柔字不當釋爲瓊然汗簡已作瓊字動容資  
於典禮碑文資作督汗簡作督恩深振古碑文深  
作濼汗簡作濼抗志澄源碑文源作濼汗簡作濼  
儒元兼洞碑文儒作囙汗簡作囙真俗兩該碑文  
俗作社汗簡作社茶蓼俄集碑文俄作鵝汗簡作  
鵝痛纏過隙碑文隙作烹汗簡作烹所以貪及餘

金石萃編卷五十八  
漏碑文貪作先文爲泐汗簡亦作𦵏皆先字釋文  
誤作貪字祈福元宗碑文祈作祈汗簡作禱海盜  
之先碑文盜作豐汗簡作𦵏醉容伊穆碑文伊作  
𦵏汗簡作𦵏携列仙於雲路碑文仙作𦵏汗簡作  
𦵏融心懸解碑文融作𦵏汗簡作𦵏永播熊章之  
烈碑文播作𦵏汗簡作𦵏冀申烏鳥之志碑文烏  
作𦵏汗簡作𦵏終天何及碑文何作𦵏汗簡作𦵏  
蓋碑文重摹汗簡翻刻恐彼此各有筆畫舛異不  
能定其孰是也

金石萃編卷五十七終

金石萃編卷五十八

賜進士出身 誥授光祿大夫刑部右侍郎加七級王昶誤

唐 十八

李義豐造像記

石不知高幾許廣一尺二寸五分厚八寸記四面刻  
共三十八行行四五十字不等又三行豎刻其後一  
行十四  
字正書

咸亨元年十二月廿二日佛弟子李義豐爲 皇帝陛  
下法界衆生合家大小先祖墳靈亡父亡叔見存母敬  
造弥勒像一區

佛弟子李義豐妻樂男伏諛黑闥女提兒







可謂□□□□□□□□□□範著歟□□□□□□□□

□□□□□□□□□□以□□□□□□式播鴻猷□託短才

□□□□□□□□□□□□□□□□□□□□□□□□

□□□□□□□□□□□□□□□□□□□□□□□□

高八使□□珪組蟬聯貂珥□□□□□□□□□□

□□□□電一舉搏狀光□□□□□□□□□□□□□□

□□□□□□□□□□□□□□□□□□□□□□□□

千□日下馳譽雲中□□□□□□□□□□□□智融積水

□□□□□□□□□□□□□□□□□□□□□□□□

□紫□□□□□□克□□□□□□關□既亡潛龍遂

躍鳳翔豹變雲飛電爍旆□□□□□□□□□□□□

□□□□□□□□□□惟□□□□□作範□勲□唳□□勇冠

三軍□□汧隴掃定河□□□□□□□□□□□□□□分

□□□□□□□□□□□□□□□□□□□□□□□□

□□望□□路□□長秋□□大樹□□□□□□□□寄切

□□任隆□□□□□□□□□□□□□□□□□□□□

□□□□□□□□□□□□□□□□□□□□□□□□

□□扇豫□□□□□□□□□□□□□□□□□□□□

□□□□□□□□□□□□□□□□□□□□□□□□

咸亨二年□月廿日

碑書大似李衛公碑殘泐特甚中有云內侍汝江縣  
開國侯張阿難又有云銀青光祿大夫內侍汝江縣  
開國侯張又有云勇冠三軍掃定河汾等語其人蓋  
宦官而曰勇冠三軍得無溢美乎唐初開國宦寺為  
公侯魚李之禍兆矣石墨鐫華  
今在醴泉縣北二十里馬旂寨昭陵南十里碑已漫  
滅斷續不能成文僅存一百五十餘字咸亨二年九  
月廿日瑤臺寺僧口口書按咸亨年號豈亦書者增  
筆耶雍州金石記  
台張阿難碑文殘闕阿難嘗為謁者監內給事末咸

亨二年九月廿日瑤臺寺僧口似是普字書而以咸亨  
為咸亨則下筆之誤也書法迺逸似王知敬褚登善

潛研堂金石文跋尾

按碑書咸亨為咸亨者古亨亨字同也如漢劉熊碑  
子孫亨之張公神碑元亨利貞竝是後人畫為兩字  
者非關中金石記

按此碑雖在昭陵然文內未見有陪葬明文稽之  
長安志及圖亦不載內侍張阿難墓則不得在陪  
葬諸臣之列矣書者瑤臺寺僧瑤臺寺則昭陵圖  
有之在昭陵之西澄心寺之南也

王知敬書金剛經

石上截已斷廣五尺五寸五十五行上下皆殘闕字數無考正書在登封少林寺

口口郎口府監丞城門郎膳部員外郎守冀王友直

宏文館王知敬奉勅書

經文不錄

關上次壬申口月戊午朔口日庚申

是時元奘奉敕在於東都譯諸佛經佛法方盛天子尚加敬信知敬書此經所由來矣第石質似惡刻亦

未精剝蝕太甚存者不及半

金石刻考略

咸亨三年口月立王知敬正書金石錄作咸亨四年

云無姓名蓋未諦視之耳竇泉述書賦注王知敬太

原人門傳孝義工正行書劉昫唐書王友貞傳二父

知敬則天時麟臺少監以工書知名

中州金石記

按書者王知敬兩唐書附王友貞傳但云武后時

官麟臺少監而不詳其在高宗時歷官此碑結銜

皆在高宗時也曰口府監丞泐一字乃少府也監

有丞六人從六品下曰城門郎從六品上曰膳部

員外郎亦從六品上龍朔二年改膳部為司膳此

仍稱膳部者咸亨二年官名復舊也曰守冀王友

者王府官有友一人從五品下曰直宏文館者宏

金石錄卷五十一  
文館有學士五品以上有直學士六品以上又有  
文學直館皆它官領之碑不云學士直學士則是  
兼領直館也壬申歲爲咸亨三年是歲十月戊午  
朔庚申是初三日又按知敬於上元三年明徵君  
碑篆額時官朝散大夫守太子洗馬永淳二年書  
天后御製詩碑時官司門郎中太孫諮議自咸亨  
三年至永淳二年首尾歷十二年歷官雖不同而  
司門郎中不過從五品上則是由六品遷五品僅  
升一二階其浮沈于文學侍從之班而碌碌無可  
表見者如此然皆爲傳所略傳蓋舉其最後之官

巨

鄭惠王石塔記

碑高四尺九寸廣三尺五寸二十行  
行二十八字行書在潞安府長子縣

大唐故贈司徒荊州大都督亮安三州都督鄭絳潞三  
州刺史上柱國鄭惠王石記

王諱 字 隴西狄道人也

曾祖太祖景皇帝

祖元皇帝

父高祖太武皇帝

王卽

太武皇帝之第拾叁子往任潞州日於此山

奉爲 先聖敬造石舍利塔壹所下并有 勅賜

舍利骨參漆粒造藏經三千卷觀夫大造遠契洪猷永  
貞庶績咸熙彝倫式敘莫不分茅土建諸侯延帝子於  
維藩降 天孫於伯牧者矣伏惟 大王通源

聖澤寵位

皇華松姿孤堅玉氣柔潤鎮靜方岳

聲政冷間都督荆安惟德是順出守絳潞非賢勿居卽  
何暮海沂之謠不足儔其匹也而乃洗心覺路虔誠妙  
門慈林山中雕礫寶塔智乘寺所裝飾眞容藻繪具周  
慶讚將畢洪滿親承 教旨躬奉 綸言以拙補  
勤猥當檢校恐河海傾竭陵谷變移謹件 先皇子

孫勒諸貞石

嗣鄭王郢州刺史璿 第二王子呂國公琛 第三王

子樂平公珪 第四王子尚庸公襲 第五王子樂陵

公 第六王子武安公琨 第七王子南海公璿

第八王子安德公琳 第九王子新平公璿 第十王

子邵陵公珩

咸亨四年八月八日檢校功德僧洪滿建

石塔記始于釋洪滿者以王在任潞州爲造石舍利

塔一所而洪滿當時實職是役故記云以勤補拙蓋

自紀也新周書高宗本紀咸亨四年正月鄭王元懿

薨記在是年十月八日其文所謂王諱元懿字某者  
今闕新唐書亦不載字某下云隴西狄道人與高祖  
本紀書隴西成紀者小異宗室世系表漢仲翔討叛  
羌于秦昌戰沒贈太尉葬隴西狄道因家焉生伯考  
隴西河東二郡太守生尚成紀令因居成紀是唐之  
上世居雖兩地而占籍狄道者在先故記仍溯其始  
直云隴西狄道較之史尤爲不沒其實本傳元懿旣  
歷任鄭潞絳三州刺史又贈司徒荊州大都督今記  
文悉與傳符獨不載歷鄭一事便文屬句從節故耳  
其下記鄭王諸子備列無遺然云謹件先皇子孫勒

諸貞石先皇蓋指鄭王而崇號如是不以爲過又塔  
記所列嗣鄭王郢州刺史璪考元懿傳作鄂州宗室  
世系表又作遂州且以名璪作璜則表與傳已相悖  
而表旣云十子乃于王第二子呂國公琛闕名第六  
王子武安公琨亦失不載此皆史傳疎脫竝宜以記  
爲據又新平郡公遂遂不從玉亦史誤也歐宋去唐  
未遠其所漏已至此然則此記有裨闕謬者又豈可  
沒也與

授堂金  
石跋

按此碑標題稱贈司徒荊州大都督克安二州都  
督鄭絳潞三州刺史以舊唐書傳考之初授克州

刺史在貞觀七年次歷鄭潞二州刺史在貞觀十年最後授絳州刺史在總章中而不見有安州刺史之官則傳略也新書傳稱王有十子長子璵嗣王舊傳稱璵以上元初封爲嗣鄭王據碑則咸亨四年立石時已云嗣鄭王矣慈林山在今潞安府長子縣東南三十里山西通志載法興寺在慈林山後魏神瑞元年建舊名慈林唐咸寧四年鄭惠王元懿爲潞州刺史建石塔藏舍利二十一粒下有藏經千卷釋洪滿撰碑咸寧乃咸亨之誤然碑稱往任潞州日於此山爲先聖造塔任潞州在貞觀十年爲先聖當是爲高祖亦在是時則非咸亨四年也碑云藏經三千卷亦非千卷碑稱智乘寺志無其名凡此皆可補正史志之闕誤也碑書十三子作拾叁二十一粒作叁漆粒卽三七字餘數目不別用他字鄭惠王爲帝冑似可不必稱里貫而文云隴西狄道與蘭陵代國兩公主同意當時習爲成例而不覺其非潛研堂曾斥之然猶未見此碑也

大德寺造像建閣碑

石橫廣三尺九寸二分高三尺五寸分兩截上截文四十二行前五行各二十七字餘皆二十八字下列



金石錄卷五十八  
剛靈揮巖刊塔口爲大德寺也 皇儀數改帝業頻移  
術遇逋周肯逢價道虧尊廢像遂斷香路於西方滯遊  
魂於淨土可以釋敦陵遲神香頗及珮形殊影獨處堂  
闕菩薩真人間夜撩落懃金顏於麓埜幽玉面於摧龕  
聖德深明舉淹畱於金口大帝乘旨出震 恩徹九  
圍遠眺昏冥親觀隱歿撲炬燎於邪烽檝群迷於苦彙  
頻奉 剛詔重令修緝復崇前踰度尼五 等竝

早碎百兩夙契蒸乘燔香翦綵發曇花之志無常無我  
法印尊儀戒行不虧陸口無累復有法子清信口口劉  
仁則廿六人等幼口貞敏宿誤曇空口敬口情先苞肆  
忍絲中白縷食肉糲飡禪營寶塔特造僧房口待布金  
俳佻口就鴻鍾廢而還擊聲徹九而清唄再稱聞於口  
壑今建石碑像壹軀金容毫日出界無雙玉面菴蓉拾  
方條有聞名合掌口幼警除見影伍頭恒口舉滅復營  
彌勒閣壹所金鈴寶鐸和而樂已鏗鏘妙口口花齊綺  
雲而合彙闢大千足路渡彼岸津梁聖教缺而復全蒼  
生舉而還福口舟待檝竟無越彙足功樽滿衢中安知  
挹口伏口 而皇上鑿資福垂拱而莅捌荒德被黔黎  
鍤衽而口口國 恩口弘骨石室歸仁澤及蛸駢金口  
流偈法相常住齊曇光口口四 皇福臻同口口足

固再申斯句刊勒茲銘輒以輕口聊興掬口口口智劍  
 口口口鋒口口金鋌能摧怨聲闢臨大穀僊觀遊口礎  
 贍攻口口口鶴舞文言口口口口慈門驪勝業於神州  
 設獲功於赤縣今迺鑄口口口鏤石尋口繼釋祖定遺  
 風嗣金文定秘碣恐塵飛洪彙桑出波中讚口口口難  
 窮歎慧風而靡絕翹心渴仰願奉神光普照無邊咸歸  
 妙旨口口口口

口確慈父靈儀頗識說法有功論義智力入斷五慾出  
 降六賊口口口口破魔軍息其一新構雲閣鯨棟鯢虹丹  
 梁綠綺宿鳳棲龍觀如見鶴口口真空波行論法沼語

驚鴻

其二

四馳迅速鳥飛兔散火宅非固諸子為難金鼓

既韻方超彼岸口等脩謹常遵誦讚其三東流頰息西口

難追去來無礙四運相隨而長坐久釋廟透迤金璽常

固寶口無虧其四口宮其五殿青紫丹墀左連帝關右口王

畿俄俄妙德供養巍巍常遵福坐口共歸依其五上口口

率歲次甲犬口秋定其六滿其七定其八奉詔而下諸州口

口口口觀口口口寺先被廢今儀像堂闕現存口還舊

口口口別口五

口

口口口主功士劉仁則

大都化主麻師

齋主騎都尉平正張洛

齋主錄事楊定鄉

齋主功士杜石生

齋主驍騎尉司倉呂買

齋主功士牛伯通

齋主雲騎尉劉承基

齋主邵南府隊正景

齋主武騎尉張志範

齋主司倉楊胡仁

齋主雲騎尉趙文達

齋主錄事劉惠達

齋主飛騎尉馮大智

齋主上柱國陽正張志隆

齋主趙智道

齋主雲騎尉王祇僧

齋主功士上官衡

齋主驍騎尉段義方

齋主雲騎尉楊反香

齋主功士杜義昌

齋主功土程懷果

齋主張楚才

齋主上騎都尉張養

齋主功土董志恪

齋主功土宮君言

供養主呂英儒

供養主呂杜主

供養主霍行基

供養主景保熾

供養主宮仁基

供養主程仁達

供養主元神載

按大德寺彌勒閣今山西通志已無可考玩碑文則荆河上洛盟津晉闕五臺三山皆其前後左右之山川形勝也歲次甲戌上有泐字是上元元年下云口秋之月滿月之日据高宗紀秋八月壬辰皇帝稱天皇帝皇后稱天后改咸亨五年爲上元元年以通鑑目錄推之是歲八月戊寅朔壬辰爲十五日而碑所云滿月之日者蓋謂月滿之日正指十五日也然則改元旣在八月十五日而天下諸

州觀寺儀像堂廡現存還舊之語亦即改元詔內  
所連及之者碑於秋之月上泐一字當是仲秋之  
月也碑中書多用天后所改十二字且其餘別體  
字多有出於十二字之外者為數極多不能枚舉  
則向謂天后改字始於大周者不盡然矣又皇帝  
稱天皇始于改元之日而碑內已見然則此碑當  
立於上元改元之後末行年月是追述詔詞非立  
碑歲月也借此下文字漫滅不能詳釋其始末矣

### 孝敬皇帝叡德紀

碑約高一丈六尺四寸餘廣七尺六寸三十三行字  
數八十二至八十九不等蓋下截現短一尺七寸餘

其每行亦闕七字八字九字  
不一行書飛白額在偃師縣

御製 御書

朕聞乾象上浮南陸啓黃離之耀坤元下闢東明啟碧  
題之居稽古前王憲兩儀之大則傍求列聖崇貳極之  
丕□□以長隆守□永茂承祧膺繼□□□四□□□  
□□□萬□□□□□□□□<sub>下</sub>藻人文以成務茂實  
光於載鼎嘉聲表於滄雷區分四德之□具美八繁之  
誠其於鑿有之矣鑿字宣慈 高祖神堯皇帝之曾

孫 太宗文武聖皇帝之孫朕之元子也緬惟聖系  
崇高極天無以方其峻□□嶽遂浴景無以喻其深如



而已哉此其至孝也監國字人務口口口刑慎口口

口口口口口口口口身後闕竊金口而口口口召唯

恭出銅龍而載惕此其至仁也承天奉口貽肅雍之大

矩迎郊過廟極口口之崇儀口口不惰其容口暗莫移

其檢同輿共帳口口均口口之風口口橫經口口口口

口之禮口口口闕喻其神望景揣情藏往無以淪其口

心融道鏡應萬象以含幾器韞口珠苞六合而口照辯

防口之訟義出羣口驗長壽之書事惟獨察此其至明

也口柱茅簷口口菲食戀口口口口口口口以為口

朕每賜以口口闕佩服以承恩雅淡既隆還委嬖而

好此其至儉也不迓聲色苻帝乙天性之高載植口口

有顓頊口口之量馳騁末口弃之而弗為書劍淺技能

之而弗貴西苑口遊口口林泉口口東口口口口口

口之娛闕口小道恐泥不畱聰於異端此其至正也七

門四徹之書乎窮泉極蓬府柏臺之秘口口真筌考口

典於叔時採德義於羊傅罷搖嶺之風樂鍾鼓六口口

口口之口口笙口口口此其至口也柔而能口闕匡諷

之口政或是非潛申獻替之益朕所惡者有口口而必

揚朕所好者無纖口而不舉父有諍子斯之謂歟此其

至口也綿賦葭苧因心之戀已切口山口口口口之愛

尤深關口口輦口口遊未足口口口下其孔懷此其至睦

也為而不恃口柱史之妙門異而能齊體蒙叟之虛室

賓實斯混語默兩忘成英與林籟同歸袞系與雲霞一

致此其至通也迪口猷德口踐口口口口口口口口口口

口口口口口口口口口口口口口口口口口口口口口口

組禮不忘於須臾鈞鼈臨口文必申於造次畋遊寢跡

不待口口之書道德立身無資設木之諫雖復謳歌未

口載啓之願口口口口口口攸歸贊口之口口口朕口口口

脫屣褰裳願尋真於汾水不飾情於外禪無待咨岳之

口口逸已於中宸自申知子之梗潛圖釋負未述所懷

屬炎箭戒辰涼口避暑口因扈口口口沉口及其口愈

乃口口關性特隆一聞此言因便感咽伏枕口欲哽絕

移時重致綿甯遂成沉痾西山之藥不救東岱之魂吹

湯之鑿莫返逝川之命以上元口年口月廿五日薨於

口口口之口口口既仰謝於姬昌變髮之悲遂俯同於容

傷口不知至人無愛大道忘情雖慕延陵之口終愴卜

商之感天后心纏積悼痛結深慈口口口口口口口口口

口口口泣昔周關言朕之至懷不欲違其心許口申舊

命爰贈尊名粵以吉辰口諡為孝敬皇帝其葬事威儀

及山陵制度皆口天子之禮惟尔識自生初性口口合

體□□□□□□□□下日將月就羣方欽其麗正多士

挹其宜猷愛敬極於九重光耀□於四海卑詞降東園

之逸高談接南館之賓儲君之德盛焉□□之望隆矣

庶其三□□茂方□□□下微奄促上賓之駕興言□

往震悼良深朕以其孝於承親恭於事上意欲還京卜

葬冀得近侍 昭陵申以奉 先之禮順其既

往之志但以農星在候田務方殷重歸關輔恐有勞廢

遂割一己之慈□便兆□之業□□□□□□□□

□□□□□□□□下以為言故贈殮絕於珠璣明器惟

資瓦木一從本志無□宿□即以上元二年八月十九

日遷窆於景山之原禮也冀樹□□陽無隔風雲之路

鶴歸緜□□下谷之有遷刊琬碧而垂範式旌德行迺

作銘云

震象凝位離景騰輝地惟重海天開少微惟皇取則利

建儲闡承祧是寄主鬯攸歸其運啓□圖祚隆

先聖丹霧□□□□□□□□下正其

研機道□發□□津戈臨□序籥奏秋旻竊巖佇逸望

苑通賓□藝方遠宣猷日新其禮茂承顏□融錫類愛

敬兼極君親一致□□義重□□情至性□□□下

優遊四德績劭撫軍譽宣監國便坐垂範寢門貽則量

湛川沖化敷靈默其五虛佇承疑崇奉師保望口辯膺臨

口口藻口口口宮口逾口道口德斯口口口為寶其六口

楹口下靜口口葭締遊鷓厨斯啓鮑俎弗羞恭行一物

澄汰九流其七緬惟釋重口退前懿爰念少陽將推大位

純孝深感聞言哽泗口命未申口口口口口其玉口口彩

珠沉夜光未口下泣響圖風悲畫堂感今興悼念昔增

傷其九崇謚追尊鴻名贈册伊洛疏兆嵩環卜宅隧擬橋

巖塋圖畢陌霧凝平楚煙生口柏其十原隰口口口口口

口口口口口仙殿口口下口鳳碑空篆鶴駕無追其十一

右孝敬皇帝叡德紀高宗御製并書書法與晉祠銘

相似孝敬皇帝者高宗之第五子皇太子宏也土元

二年從幸合璧宮尋薨新唐書以為武后酖之是年

追加諡號葬於緱氏縣景山之恭陵宋熙寧八年省

緱氏縣入偃師今為偃師縣地矣孝敬字宣慈新舊

史皆失載潛研堂金石文跋尾

劉昫唐書列傳云恭陵制度一準天子之禮高宗親

為制叡德紀并自書之於石樹於陵側即此碑也太

平寰宇記云緱氏縣有恭陵孝敬皇帝陵在縣東北

五里今俗亦呼太子陵河南通志誤曰敬宗陵蓋謬

甚矣武進士億云碑云宏字宣慈今史于燕王忠太

金石錄卷之五十一  
子賢竝書字而此獨見遺蓋失紀也又云年才一歲立為代王高宗紀永徽六年封子宏為代王本傳亦同若以一歲始封數之自永徽六年至上元二年太子宏之薨年乃二十一而傳作二十四歲者誤也武君偃師人深于經史之學

中州金石記

按碑下載殘泐幾不可辨記云即以上元二年八月十九日遷窆於景山之原據傳惟云葬緱氏考記墓者多以山原誌其藏示不易變也然則如此記所云亦為得其實又顧亭林云古人主有追封其父兄無尊其子弟者惟秦文公太子卒賜諡為靖公唐代宗

追諡其弟故齊王倓為承天皇然於高宗追諡太子宏為孝敬皇帝顧氏竟亦失引今以此碑按之并可著其闕也題額與昇仙太子碑皆飛白書尤不多見

故并著之

偃師金石跋

按此碑文幾三千字存者尚千七百餘字太子宏為高宗第五子文云朕之元子者以立為太子即詩建爾元子之義也年纔一歲立為代王兩唐書紀及新書傳皆云永徽六年封代王獨舊書傳作永徽四年據燕王忠傳永徽三年立忠為皇太子六年王皇后被廢武昭儀所生皇子宏年三歲禮

部尚書許敬宗上疏云云則是宏實生于永徽四年以舊史證碑正合一歲封代之語然與諸處之言六年封代者多牴牾也文敘太子有九德曰至孝至仁至明至儉至正至口至口至睦至通泐其二字不可曉蓋褒美之詞備矣太子之薨當時傳聞多異詞舊史傳則渾其詞曰是時戴至德張文瓘兼左庶子與右庶子蕭德昭同爲輔弼太子多疾病庶政皆決於至德等上元二年太子從幸合璧宮尋薨制詞有曰皇太子自琬圭在手沈瘵嬰身及賤理微和將遜于位而宏天資仁厚孝心純

確旣承朕命掩歎不言因茲感結舊疾增甚碑亦云不飾情於外禪無待咨岳之口口逸已於中宸自申知子之梗潛圖釋負未述所懷口口因扈口口

口沈口及其口愈乃口口口

所存沈字愈字卽一  
是沈疴漸愈之意

聞此言因便感咽重致綿留遂成沈痼碑悉與舊傳合則是太子之薨由於多病而又聞禪位之語益致不起也新傳則欲著武后殺子之罪不述其多病之由直云后将騁志宏奏請數拂旨上元二年從幸合璧宮遇酖薨又于本紀書四月己亥天后殺皇太子舊史本紀但書四月己亥皇太子宏

薨于合璧宮之綺雲殿始終不言其被殺也温公  
 通鑑亦不遽實其罪但云太子宏仁孝謙謹上甚  
 愛之禮接士大夫中外屬心天后方逞其志太子  
 奏請數廷旨由是失愛于天后已亥太子薨於合  
 璧宮時人以為天后酖之也袁樞紀事本末語與此同考異亦  
 云唐歷宏仁孝英果深為上所鍾愛自升為太子  
 敬禮大臣鴻儒之士未嘗居有過之地以請嫁二  
 公主事詳本傳失愛於天后不以壽終實錄舊傳皆不  
 言宏遇酖惟李泌對肅宗云高宗有八子天后所  
 生四子長曰孝敬皇帝為太子監國仁明孝悌天

后方圖臨朝乃酖殺孝敬立雍王賢為太子新書  
 蓋據此及唐歷也宏之死其事不明今但云時人  
 以為天后酖之也疑以傳疑然則温公亦不以天  
 后殺子之事為可信矣朱子於綱但書太子宏薨  
 諡孝敬皇帝於目則書義陽宣城二公主幽于掖  
 庭太子奏請出降上許之天后怒即日以公主配  
 當上翊衛太子尋薨時人以為天后酖之也此語與通鑑  
同詔追諡為孝敬皇帝范氏曰皇帝者有天下之  
 號非所以為贈也父沒而後子立今父在而追尊  
 其子豈禮也哉蓋武后謀篡國酖太子而加之尊



□□□□□□□□應運□出在□薛國公矣公諱忠字

義節其先代人今為京兆萬年人也鬱矣曾基克承大

禹□□□□□茂業奄有幽都之地洪源共昌海分流崇

□與□□□□曾祖□□□□□□□□□□□強

盛□□正□□千□於龍□境窮西夜騁萬騎於雞□

威讐東胡父蘇 皇朝左驍衛大將軍寧州都督懷□

□□□□□□是日□金之允□該送順恭惟□□之

□□□□□□□□□□□□揚□聖靈候□□□

□丹墀不□以貴□□□□□愷澤異姓而□埒長沙□

□祚公丕承昌緒允□潛禎上分列緯應天街之祕象

下屬□山□□□□之□□□□則英□□□□則□

□□□□□□□□□□□□□□風□□知□之心

弥遠□將甫成□□之奇可察豫章□拱□綱□□先

彰素懷不羈之節載蘊非常之志及隨季崩離中州版

蕩我 大唐撥亂反正□□□□□□□□□□□

□□□□□□□□□□□□□□軒之□公□□

□言歸咸承繡□之賞石舊父子共沐朝恩秬侯仁孝

式流家社時以漠南未靜委公作鎮頡利可汗乘閒內

侮 □遣張□利□齋□□公□□□□□□□□

□□□□利以□□□□□□□□□□□□□□□□

定大夫之□□嘉謨斯在介子之□樓蘭英風可躡  
 竭誠之跡基於此矣詔授左屯衛將軍仍令□門宿衛  
 □甲第□□降□□□□□□□□貞觀□四年□  
 □御□軍□□□之睿□去□□□動吹簫之妙曲望  
 □□戚譽泱遐迩俄丁元□曼尋起復職寢苦結慕集  
 藜纏哀善喪能毀菓兒悲於行路奪□即戎柴形□於  
 朝序□年 詔□□□公□□□□□□□□檢校  
 長□都督□□□□□□四豪之□□任隆式□□十  
 □之新□克清邊壘言旋京邑檢校左屯營既而句麗  
 百濟耳相侵逼處月焉耆各為唇齒□□邪於荒裔□

□伐□ 皇情□□□□□□□□□□□□□□□□  
 □□綏邊□□ 詔公□域安撫□□□□之寄右  
 地讐□加授上柱國廿年遷右武衛大將軍復屬延□  
 縱慙鐵勒怙亂乘壯月以控弦候朔風以鳴鏑□膺分  
 □□□□□□□□□□□□□□□□□□□□□□□□  
 □而□□後之以刑□□□□□□□□□□□□□□□□  
 賴賜金銀器物數十事繒綵五百匹錢廿萬馬五十匹  
 霍氏辭第竟收絕漠之功荀父□錫寔□剋狄之効俄  
 而□□□□□□□□□□□□□□□□□□□□□□□□  
 宸□□□□□□□□而殆絕 天皇纂屢景□惟新

帝澤滂流□思念舊爰復本任委之心膺永徽中以  
 太妃憂去職樂棘之痛苦居无□之喪其年起□授左  
 □衛大□□□□□□□□□□□□□□□□□□□□□□  
 □□為使□□長□道行軍大摠管□韓□擾徙  
 旆除殘契丹縱毒迴戈拯亂剿驪兔之遊魂覆黃龍之  
 □□亦既□□□□□□兼隆□改□營為羽林軍委公  
 統□□□□□□□□兵□□□妙識機權□□□□□□□□  
 □□□□□□□□□□衢紫掖□嚴整雲營□上苑六軍取  
 其節度八校法其規模是以歷事□兩朝□□□□□□  
 □□諸王宴集公必□焉伯初之恒宿禁中仲□□□□

□□內□□□□□□□□□□□□□□□□□□□□□□  
 □□□□□□□□□□勲□□□□□□□□□□□□□□□□  
 如故式彰巡警之効聿陪登降之禮嘉慶是□□□□□□  
 允治復以吐藩蟻□近□凶醜□□□□□□□□□□□□  
 □□□□□□□□□□蘭之城□思伏波載思□海摠章  
 初□□□□□□□□□□□□□□□□□□□□□□□□  
 詔公為青海道行軍大摠管甫臨邊□克靜妖  
 □將軍有百勝之功□天子緩一□之□尋又奉  
 詔□西域□□□□□□□□□□□□□□□□□□□□□□  
 □□能□□義斯舉有征□無戰□信竝行羌夷是□  
 洎乎振旅頻加勞問方當克享期頤永膺福祿延十紀





□□□□□□□□略□□□□□□□□

聖□歸□□□擅榮□□里□□□□秦樓載峙軒蓋

聯華歌鍾□起宅躬伊泰在貴不恃盡節禁□□□

服東□□□西臨□谷□□□□□□□□□□

□□□□□□□□□□□□□□□□山□□□

□遠落營柳先凋九泉永□二宮寂寥慶屬象賢德鍾

令嗣箕裘允襲文武不墜仰畢□以纏哀望廬山而結

□紀貞石而垂□庶幾□□□□□□□□□□□□

右唐阿史那忠碑唐書列傳云忠尚宗室女定襄縣

主始詔姓獨著史今此碑當時所立題云阿史那府

君之碑而元和姓纂亦云阿史那氏開元中改為史

疑傳誤也唐太宗親撥隋亂卽位未幾遂致太平其

好賢樂善益出天性故一代之豪傑皆樂為之用如

忠之徒出於降虜亦皆立勳本朝著名後代雖云太

宗天姿英睿絕人甚遠至于輸忠盡節諸賢之助亦

多矣嗚呼盛哉金石錄

碑泐其存者稍倍于豆盧寬碑亦以額識之而書法

更勁拔在永興河南間惜撰書俱無名氏可考耳石

鐫華

碑已漫漶可識者七百餘字按新唐書忠傳蘇尼失子也今碑作蘇其下虛一字以下文乃皇朝字也是忠父名蘇史誤耳宜從碑金石文字記作上元二年

雍州金石記

右薛公阿史那忠碑醴泉縣志云存七百餘字予所藏本厘存二百餘字所書事跡與本傳略同惟突厥傳稱太宗立阿史那思摩為可汗詔左屯衛將軍阿史那忠為左賢王左武衛將軍阿史那泥孰為右賢王相之而其後又云右賢王阿史那泥孰蘇尼失子也始歸國妻以宗女賜名忠及從思摩出塞思摩中

國見使者必流涕求入侍許之又併忠與泥孰為一

人前後自相牴牾則其謬也潛研堂金石石文跋尾

按集古錄作上元二年金石錄作咸亨四年元和姓纂云阿史那氏開元中改為史唐書列傳云忠尚宗室女定襄縣主詔姓獨著史碑建于高宗時並不言改姓唐書誤也姓纂為是關中金石記

按碑文約二千六百餘字存者千七百餘字雖存十之六而其最要處皆經磨泐兩唐書傳又皆簡略今取碑所存字節錄其官閥事蹟與史傳參考之通志氏族略阿史那氏夏氏之裔居兜牟山北

人呼為突厥窟歷魏晉十代為君長後屬蠕蠕阿  
 史那最為首領後周末遂滅蠕蠕霸疆北土蓋百  
 餘年至處羅蘇尼失等歸化號阿史那唐開元更  
 為史氏此阿史那之原委也碑但云其先代人蓋  
 舉其要耳舊唐書傳貞觀初阿史那蘇尼失者其  
 父始畢可汗以為沙鉢羅設頡利政亂突利來奔  
 頡和乃立蘇尼失為小可汗頡利為李靖所破蘇  
 尼失舉眾歸國因令其子忠擒頡利以獻此阿史  
 那蘇尼失歸朝之原委也是忠之祖為始畢碑所  
 不詳忠之曾祖碑泐其名史又不載不能考也新  
 傳稱忠宿衛四十八年忠以上元二年薨春秋六  
 十有五推其生在隋大業七年其直宿衛始于貞  
 觀二年其時僅十八歲也忠之薨年碑已全泐据  
 其葬年在乙亥知其薨是上元二年是年十月辛  
 未朔十五日為乙酉皆可補碑之闕也忠陪葬昭  
 陵稽之長安志昭陵圖但有阿史那什鉢苾墓在  
 澄心寺左新羅真德墓之左又有阿史那社尔墓  
 在證聖寺左賀蘭整墓之右而不見有阿史那忠  
 墓至昭陵圖說則云功臣大將軍尉遲敬德已下  
 六十四人內蕃將阿史那忠等九人殆是與什鉢

苾社尔墓耐葬也陪葬昭陵飾終之典與諸碑同  
惟云常所服甲敕令隨瘞則獨見此碑碑書元菟  
作元兔吐蕃作吐藩皆音譯之異者

金石萃編卷五十八終

金石萃編卷五十九

賜進士出身 誥授光祿大夫刑部右侍郎加七級王昶撰

唐十九

明徵君碑

碑高一丈一尺一寸八分廣五尺三十三行行七十  
四字行書額題攝山栖霞寺明徵君之碑篆書在上  
元縣攝山  
栖霞寺

攝山栖霞寺明徵君之碑

御製

朝議郎行左金吾衛長史侍相王書臣高正臣奉

勅書

朝散大夫守太子洗馬王知敬篆書

朕聞鍾山玉闕羽駕之所巡遊崑嶽金臺蜺衣之所翔  
集雖復真宗省眇神理希微猶居三界之中未出九天  
之外唯有乘如廣運妙覺圓明因無生以濟有生就無  
象而成大象道隔去來之際空繫靡得其端理忘動寂  
之機隨迎罕窺其奧得其門者如髻寶之希逢臻其極  
者似曇花之難遇南齊徵君明僧紹者平原人也仲雍  
誕其綿麤井伯播其靈苗芳源肇於孟明因卽以明爲  
姓曾祖忱晉著作郎祖玩晉建威將軍鳳經流譽雅韻  
隆於八儒豹略申威香名高於七拔父略宋平原太守  
中書侍郎朱明出撫揚惠化而傍霑紫詒攸司罄忠規  
而奉上徵君早植淨因宿苞種智悟真空於綺歲體法  
性於青襟照與神通心將道合遺榮軒冕少無塵雜之  
情託志林巖自叶幽貞之趣亭亭秀氣掩璧月而架丹  
霄皎皎清衿漱瓊滿而淩碧瀨卽相非相指萬象爲虛  
空無我無人等因流於寂滅加以學窮儒肆該綜典墳  
論極麤津精通老易至若鹿野龍宮之祕猿江鶴樹之  
文莫不遞貫清衷摠持丹府班荆坐樾獨神王於亭宰  
朗嘯長吟乃情超於宇宙蒲輪每至攀桂之節逾高玉  
帛屢陳枕石之誠彌固遂乃緬懷飛道抗迹嶗山託岫

疏階憑林結棟紉蘭製芟方輕藻火之衣爽籟風松自  
代管絃之響橫經者四集請益者千餘高鳳愧以韜光  
張超謝其成布于時南風不競東土構屯人獻豺狼之  
毒家充蛇豕之餌盜仍有道望境歸仁其結盟誓之言  
不犯徵君之界豈非至誠攸感木石開心者乎及元靈  
告終青光啓祚齊高祖希風佇德側席傍求屢下徵書  
確乎不拔其後又移居鬱洲揆榆山栖雲精舍情親魚  
鳥志狎煙霞蛻影樊籠蕭然獨往齊建元元年又下詔  
徵爲散騎侍郎又不就旣而濟岱淪旨公私蕩覆稽天  
之浸將湮蹈海之居燎原之火欲燼藏山之璞乃鴻鸞  
鳳舉鷲萬仞以高翔擇木選君相九土而遙集凌江迴  
憩遂屆南京負杖泉丘遊睨林壑歷觀勝境行次攝山  
神谷仙巖特符心賞於是披榛薙草定跡深棲樹槿疏  
池有終焉之志此山其狀如繖故亦號曰繖山丹穴紅  
泉其星河而競寫珠林鏡嶽與月桂而交暉鳥呀巖虛  
猿吟澗靜松門杳藹去來千里之雲花櫻丰茸合吐十  
枝之日質息心之勝地乃宴坐之名區爰集法流於焉  
講肆音容秀澈字量端凝投論會奇興言入妙若鴻鍾  
之虛受有擊必揚似明鏡之忘疲無來不應于時元儒  
兼闡道俗同歸俱號淨名以旌至德先是山多猛噬人

罕登臨昇巖有仙谷之危越澗等憑河之險徵君心不  
忤物搃萬類以敷仁故使物乃革心屏三毒而歸惠興  
風歛暴遠承探鯁之恩游霧含辛自埒報珠之感于時  
齊道方穆寤寐求賢永明元年又徵爲國子博士徵君  
隱居求志義越於由光不降凝心跡高於園綺鑿坏貞  
道漱石忘歸鶴版載臨豹姿逾遠俄有法師僧辯承風  
景慕翼徒振錫翻然戾止法師業隆三藏道邁四依戒  
行堅明律軌嚴淨欣然一遇叶契于齡子琴爲莫逆之  
交溫雪豈容聲之友回卽隣巖構宇別起梵居聳嶠飛  
柯含風吐霧栖霞之寺由此創名福地栽基肇發初心  
之誓法門措遂遠鍾後說之辰安居頃之辯師遷化六  
年頂拜雖開青石之壇千日威光未建紫金之岳徵君  
積緣登妙至感入微嘗夢法身冠于曾爨後因乘眺履  
步林亭乃有浮磬吟空寫圓着於帷樹飛香散迴騰寶  
氣於鑪峯又覩真顏心巖之首神光駭矚若登靈鷲之  
山妙力難思如遊瞿龍之邑豈止無垢佛國獨蔭珠雲  
淨德王家方承珂雪是知不行而至冥通應感之符爲  
法而來實昭光啓之福非夫慧因宿植其孰與於此哉  
於是拜受嘉徵願言經始將於巖壁造大尊儀乃眷爲  
山未遑初簣遽而西州智士與曉岳而俱傾東國高人

隨夜星而共沒瓊瑤落彩峯岫沉暉永明二年奄遷舟  
 壑第二子臨沂公仲璋顧慕曾巒既崩心於岵望徘徊  
 曩構更泣血於楹書遂琢彼翠屏爰開菜座捨茲碧題  
 式建花宮上憲優填之區仰鏤能仁之像技美何克之  
 宅遽興崇德之闈迤彼蕭宗大鑿釋典文惠太子及竟  
 陵王或澄少海之源派朝宗於法海或茂本枝之穎發  
 萌桓於禪枝咸捨淨財光隆慧業時有沙門法度為智  
 殿之棟梁即此舊基更興新製又造尊像十有餘龕及  
 梁運載興銳心迴向大林精舍並事莊嚴臨川王載劄  
 竹符宣化惟揚之境言尋柰苑興想拔茅之義以天監  
 一十五載造無量壽像一區帶地連光合高五丈滿月  
 之瑞湛珠鏡以出雲崖聚日之輝昇壁輪而皎煙路赤  
 差四注周以鳥翅之房迢遞千尋飾以魚鱗之瓦擊鳴  
 乾於爽籟則步影齊歸麗停午於高曦則息心攸萃逾  
 錦城而特建掩銀界而孤標良由積慧所持大士著甚  
 深之業用能遙誠克果永代增稀有之緣以曠劫之隆  
 因開含生之至福偉哉壯觀無得而稱朕肅慕禎圖丕  
 承寶龕澄九溟而有截宴八表而無為紫塞丹岑接封  
 畿於上苑白門青野款賅贄於仙闈將使率土蒼生鎮  
 昇仁壽之域普天黔首永蹈淳古之源崇慶越於兩儀

景運踰於萬劫屬以冤旒多暇物色傍求瞻江海而載  
 懷詠林泉而興想欽風味道恨不同時古往今來撫運  
 化而雖叔德崇業著眷神理而猶存寤寐遺塵有兼前  
 烈瞻言勝軌歎佇雅深今故於彼度人常滿七七各兼  
 衣鈔錢二百貫絹二百匹蘇參拾斛繡像織成像新舊  
 翻譯一切經一藏并幡華等物口幽尋之曩跡光顯德  
 門託嘉遁之名區追崇仁里就福字而延福即祥基以  
 締祥冀緣金囿之庭近叶珠囊之耀所願通因法岸契  
 果禪林 九鼎與元極同安 七廟與紫微

齊固惚三千之淨土並沐薰歌罄百億之恒沙長為壽

算口鐵圍之所苞括玉燭之所照臨常殮六氣之和俱  
 藻一音之聽夫象以盡意意非象而不申言以會情情  
 非言而不暢是以發揮一二諦宏演四依迴託蓮花之峯  
 遙刻芝英之字庶海乘頻變孤超奔岳之碑城芥屢空  
 獨跨稽岑之篆式陳茂實乃作銘云

悠悠法界摠摠含生輪迴欲海起滅身城俱安大夜共  
 習無明愛塵岳聚毒樹雲平其一邈矣遍知超然獨悟遽  
 乘五演高披六度大空善說中天巧諭引彼迷途歸之

覺路其二猗歟淨行育彩昆田家口珪組代著忠賢戎支

宿習種智斯圓棟梁三寶薰修四禪其三爰始筮賓薛蘿

攸整蹈海沉跡棲巖滅影天地搆屯干戈牙警北林岡

底南轅載騁其四翻飛澤國歷孝山圖言瞻碧磴自韞鑿

珠口峯架室枕壑通衢鱣庭廣跨馬帳饜敷其五同氣相

求善鄰遙託道符久敬心均常樂對闢金園竝疏銀閣

谷停帝馬巒歸梵鶴其六空分瑞塔地積香臺口口霄暎

珠雲旦來千光霧起七淨霞開林通飛錫澗下乘杯其七

桂巘叅差松亭隱藹石壇照錦瑤泉瀉籟岫接香鑪峯

承寶蓋翔鳧演法毒龍銷害其八梵宮既啓福海長深噬

虺忘穴飛鴟革音羣生普戴奕祀同欽不有高節寧待

宿心其九口辰多閑聞風逸想茂軌遐劭清暉遽往佇

契業於圓明冀崇緣於方廣鑲飛象於曾岳齊勝基於

穹壤其十

上元三年歲在景子四月戊戌朔廿五日壬戌建

右唐明徵君碑徵君者梁人名山賓也高宗朝其裔

孫宗儼以方伎進故立此碑舊唐史言高宗自製文

而書之非也蓋高宗撰文高正臣書耳金石錄

右高宗御製高正臣書王知敬篆額碑陰有棲霞二

大字乃大中庚子歲立今碑乃景子此卽米芾所謂

手摩一丈玉讀盡上元記者書自聖教序中出極有

風骨可愛蒼潤軒帖跋

上元三年四月立今在上元縣棲霞寺唐有兩上元  
此云景子者高宗號也 舊唐書明崇儼傳累遷正

諫大夫特令入閣供奉崇儼每因謁見輒假以神道  
頗陳時政得失帝深加允納潤州棲霞寺是其五代  
祖梁處士山賓故宅帝特為製碑文親書於石論者  
榮之今按此碑乃高正臣書史家以御製并訛為御

書耳

金石文  
字記

按碑云南齊徵君明僧紹者太原人也初序其隱遁  
之高繼言栖霞之勝而以度入賜經錢絹等物終之  
則立碑者以僧紹非山賓審矣梁書山賓傳父僧紹

隱居不仕宋末以國子博士徵不就而山賓官在甲  
舊書竟以侍中為處士德甫復以此碑之僧紹為山  
賓何耶齊書僧紹傳永明元年以國子博士徵不就  
卒故此碑云南齊徵君梁書所云宋末徵者亦誤然  
傳云子元琳字德璋而無山賓齊書修于梁山賓為  
梁大臣而反遺之何也碑又云法師僧辨爰來至止  
別起梵居栖霞之寺由此創名蓋辨依紹建寺並非  
明氏故宅使高宗寵加崇儼宜于碑末及其名字即  
山賓亦未之及未知劉氏何据舛謬至此新書削去  
製碑一語有以哉

金石  
後錄

右栖霞寺明徵君碑徵君者南齊處士僧紹朱錫曾  
以爲梁處士山賓蓋承舊唐書明崇儼傳之誤山賓  
仕梁通顯沒贈侍中非處士也據碑捨宅爲寺乃僧  
紹第二子臨沂公仲璋而崇儼傳以爲山賓故宅皆  
誤也碑稱僧紹祖玩晉建威將軍而南史云州中從  
事父畧宋平原太守中書侍郎而南史云給事中未  
知孰是碑稱移居鬱洲揜榆山而史作舛榆揜舛本  
一字金陵在明代有南京之稱此碑云乃屆南京似  
先爲之識矣

潛研堂金石文跋尾

按碑題朝議郎行左金吾衛長史侍相王書臣高

正臣奉勅書高正臣史無傳說詳杜君綽碑相王  
卽睿宗舊唐書睿宗紀帝好學工草隸尤愛文字  
訓詁之書上元二年封相王

高宗紀作三年正月

拜右衛大

將軍正臣時爲侍書則正臣之能書宜矣新唐書  
百官志王府官無侍書專員但有友一人掌侍游  
處規諷道義侍讀無定員文學一人掌校典籍侍  
從文章則是侍書之員或卽侍讀文學所兼也又  
百官志注云高宗中宗時相王府長史以宰相兼  
之則其他之兼者可知矣又左右金吾衛兵曹騎  
曹曹參軍事各有長史一人正臣時正授此官

也篆額者王知敬史附王友貞傳但云善書隸今  
觀此碑則又知其工於篆也碑云南齊徵君明僧  
紹者太原人也仲雍誕其綿允并伯播其靈苗芳  
源肇於孟明因卽以明爲姓通志氏族畧以字爲  
氏者明氏姬姓虞仲之後也有百里奚者爲虞之  
公族大夫晉獻公滅虞虜虞公及其大夫百里奚  
以媵秦穆姬自此遂爲秦大夫奚生孟明視視名  
也明字也以字爲氏下文載宋朝明姓者三人明  
鎬明靚明夔而獨不及上溯徵君諸人南史傳云  
僧紹字休烈平原鬲人一字承烈其先吳太伯之

裔百里奚子孟明以名爲姓云太伯之裔與碑畧  
以名爲姓與氏族畧異碑云曾祖忱晉著作郎祖  
玩晉建威將軍父畧宋平原太守中書侍郎晉宋  
書皆無傳南齊書僧紹傳不載曾祖但云祖玩州  
中從事父畧給事中南史亦但云祖玩州治中父  
畧給事中歷官俱與碑異傳云僧紹有儒術宋元  
嘉中再舉秀才永光中鎮北府辟功曹並不就隱  
長廣郡嶗山聚徒立學碑不著宋年號但云蒲輪  
再至攀桂之節逾高玉帛屢陳枕石之誠彌固遂  
乃緬懷飛遁抗迹嶗山橫經者四集請益者千餘

嶗山在今膠州卽墨縣劉宋時爲不其縣屬長廣  
郡嶗又作牢魏書地形志長廣郡不其縣有牢山  
又作勞太平寰宇記大嶗山小嶗山郡國志云夫  
差登之得靈寶度人經齊記云泰山自然高不如  
東海嶗山東通志在卽墨縣南六十里濱于海其  
山有二高者曰大嶗差小者曰小嶗二山相連高  
二十五里周八十里顧寧人嶗山圖志序曰嶗山  
在今卽墨縣東南海上有大嶗小嶗其峯數十總  
名曰嶗志言秦始皇登嶗盛山望蓬萊因謂此山  
一名嶗盛而不得其所以立名之義案南史明僧  
紹隱於長廣郡之嶗山則字或從山又漢書成山  
作盛山在今文登縣東北則嶗盛自是兩山古人  
立言尙簡齊之東偏三面環海其斗入海處南嶗  
而北盛則盡乎齊東境矣其山高大深阻旁薄二  
三百里以其僻在海隅故人跡罕至人則從而夸  
之以爲神仙之宅靈異之府其說云吳王夫差登  
此山得靈寶度人經考之春秋傳吳王伐齊僅至  
艾陵而徐承率舟師自海道入齊爲齊人所敗而  
去則夫差未嘗至此也自田齊之末有神仙之論  
而秦皇漢武謂真有神人在窮山巨海之中於是

八神之祠偏于海上萬乘之駕常在東萊秦皇登之必一郡供張數縣儲饍四民廢業千里驛騷於是齊人苦之而名曰勞山也其以是夫此勞山之說較諸家為最晰因附載之碑云齊高祖屢下徵書確乎不拔其後又移欒洲榭榆山栖雲精舍

榭

齊書南史俱作榭建元元年又下詔徵為散騎侍郎又不

就既而濟岱淪胥公私蕩覆凌江迴憩遂屆南京行次攝山有終焉之志此山其狀如繖故亦號曰繖山爰集清流於焉講肆永明元年又徵為國子博士徵君鑿坏貞遁漱石忘歸鶴版載臨豹姿逾

遠俄有法師僧辯欣然一遇叶契千齡因即隣巖

構宇別起梵居栖霞之寺由此創名安居頃之辯

師遷化徵君嘗夢法身冠於曾巘後因乘眺又覩

真顏于巖之首將于巖壁造大尊儀永明二年奄

遷丹壑南齊南史兩傳皆同惟建元徵散騎侍郎

兩傳作正員外郎法師僧辯兩傳作僧遠又攝山

上有江乘二字碑所無也又傳稱齊太祖遺竹根

如意符籙冠隱者以為榮此事碑亦不叙入江乘

縣宋屬南琅邪郡齊時廢郡隋時廢縣入句容江

南通志攝山在江寧府東北四十五里南史云齊

明僧紹居此山後捨宅爲栖霞寺通志又云栖霞寺在府東北攝山南齊明僧紹故宅唐改功德寺高宗製明隱君碑亦尙完按捨宅爲栖霞寺南史僧紹傳無此語此碑額題攝山栖霞寺亦未嘗改爲功德寺通志語皆未晰也又古蹟門載明僧紹宅在上元縣攝山永明七年僧紹捨宅爲寺卽今栖霞寺僧紹于永明二年已卒安得至七年捨宅乎通志蓋誤讀陳侍中尙書令江總持所撰攝山栖霞寺碑文也總持文云南徐州琅琊郡江乘縣界有攝山者其狀似繖亦名繖山尹先生記曰山多草藥可以攝養故以攝名焉齊居士平原明僧紹宋泰始中嘗遊此山仍有終焉之志乃刊木爲峯薙草開逕披拂榛梗結構茅茨廿許年不事人世有法度禪師與僧紹冥契甚善嘗於山舍講無量壽經中夜忽見金光照室光中如有臺館形像居士遂捨本宅欲成此寺卽齊永明七年正月三日度上人之所構也居士有懷創造俄而物故其弟二子仲璋爲臨沂令克荷先業莊嚴龕像首於西峯石壁與度禪師鑄造無量壽佛坐身三丈三尺五寸通座四丈并二菩薩倚高三丈三寸云云

詳玩碑文顯係僧紹存日欲捨宅而未果至永明  
 七年其子仲璋與度士人構成之也自通志誤會  
 江碑之意而江寧府志及近出之攝山志皆誤以  
 為僧紹捨宅在永明七年矣南史傳云僧紹子元  
 琳仲璋山賓並傳家業山賓最知名南齊書則曰  
 子元琳字仲璋是元琳仲璋為一人也碑乃云第  
 二子臨沂公仲璋可知長子為元琳南齊書誤也  
 兩傳不詳仲璋事蹟碑云仲璋琢彼翠屏爰開藁  
 座拾茲碧題式建花宮此為仲璋捨宅為寺之證  
 又云逃彼蕭宗大宏釋教文惠太子及竟陵王  
 捨淨財光隆慧業時有沙門法度即此舊基更與  
 新製又造尊像十有餘龕及梁運載興臨川王以  
 天監一十五載造無量壽像一區帶地連光合高  
 五丈凡此故蹟今檢通志悉從簡畧文惠太子齊  
 世祖長子竟陵王名子良世祖第二子南齊竟陵  
 傳稱與文惠太子同好釋氏甚相友悌子良敬信  
 尤篤數於邸園營齋戒大集朝臣眾僧至於賦食  
 行水或躬親其事臨川王宏梁太祖第六子梁書  
 傳稱天監十五年所生母陳太妃寢疾宏與母弟  
 南平王偉侍疾並衣不解帶及太妃薨水漿不入

口者五日据碑載栖霞造像適在是年疑爲太妃  
作也碑云今故於彼度人常滿七七各兼衣鉢錢  
二百貫絹二百匹蘇三十斛繡像織成像新舊翻  
譯一切經一藏并幡華等物凡此所賜錢物皆所  
以施福于栖霞者詳玩碑文蓋以栖霞振興佛法  
爲求福之勝地原其始建在仲璋克承僧紹之業  
故不沒其功而爲此碑未嘗有一語及山賓并亦  
不因崇儼之請也蘇三十斛本草注蘇性舒暢行  
氣和血蘇乃荏類而味辛如桂爾雅謂之桂荏此  
所賜以斛計必是蘇子本草又云九月收子打油  
然燈甚明不知高宗賜此爲然燈用否耶此碑文  
字完好而取諸史志叅校頗多互異因詳述之如  
此碑立于上元三年四月是年十一月始改元儀  
鳳也

淮南公杜君墓誌

石高四尺廣一尺九寸七分  
行行三十四字正書篆額

周豫州刺史淮南公杜君之墓誌

君諱 字

之後矣締構

層華望仙雲而連若木口口口口浮潤海而接霄潢  
天挺英靈神資朗哲髮率吐秀綺歲含芳初舉茂才

云州□□令懿德裁風美青鸞之儷化嘉猷儼俗  
之翟之依仁政舉薰風譽流天展又詔遷□□刺史  
事淮南公被雲雨之膏液降霜霰之輕威區群荷  
育之恩庾策抱陶均之口塞惟千里衢歡何暮之謠靈  
冤百城門嗟來晚之詠遇周社之傾覆會鼎祚之流移  
鹿散中原梟鳴宇縣高班厚裘屬器亂而傾淪墨綬金  
章偶崩離而失主嗣子洪貴六人及孫恒周三人等蓄  
耀珠泉潛華玉岫光逾月采口爛星暉玉樹分榮聳亭  
亭於迴薄金柯引翠抽鬱鬱於長林或則學贍文豐兵  
韜武略或則風雲在議金石斯懷琬謝玉而成瓌貴韋  
珠而並貴嘒崇基之失緒咨峻趾之湮沉徘徊木廡之  
間仿佯語默之致於是懷五慎佩九箴孝二尊篤三益  
咸以壑舟夜徙璫露朝晞天不憖遺溘然長謝口周天  
統二季終乎私第春秋八十有二以隨開皇元年十月  
一日與夫人馮氏合葬于龍山□□原里之禮也其  
地東窺邵堞伐楚之迹猶存西巡渚城避狄之隍如在  
南鄰渚水神龜游括地之瀾北瞰龍山仙鶴憩聳天之  
志爾其环木蒼翠嘉樹紛披是汝口之形勝荆楚之口  
者焉曾孫善達義節八人等痛風枝而結思悼霜露  
摧心遠謝口裘遐慙落構恐口口變海陵谷負遷耿

介長淪芳菲永歇勒茲貞石迺爲詞曰

承芳蕙苑誕秀清流□□開屏懿德臨州夙虧風槩早  
歇英猷爰有嘉慶遠謝箕裘敬雕□兮翠嚳庶永播兮  
清□

大唐儀鳳二年歲次丁丑五月壬戌朔七日戊辰雕  
瑩功訖

按此碑頗完善缺字無多而無撰書人姓名碑中  
訛者二處云周天統二年終乎私第天統是齊後  
主紀年非周也据碑文前云遇周社之傾覆會新  
祚之流移則杜君實仕于周所謂二年者當是周

武帝天和二年不知碑何以有此誤也又云合葬  
于龍山口□□原里之禮也据文當是某里之原  
禮也文倒互矣首行直云君諱某不加鋪叙之語  
然諱字里貫皆空闕不刻何耶文云締構層華望  
仙雲而連若木□□□浮潤海而接霄漢似乎  
言其里居之近東海也然稽之唐書宰相世系表  
杜氏有四派曰京兆杜陵曰襄陵曰洹水曰濮水  
無有近海者惟北史杜松贊爲北海人然不詳其  
何系也碑云君舉茂才爲許州□□□令遷□□  
刺史諸軍事淮南公周社傾覆崩離失主嗣子洪

貴六人孫恒周三人等天不憖遺溘然長謝春秋八十有二以隨開皇元年十月一日與夫人馮氏合葬于龍山曾孫善達義節八人等勒茲貞石大  
唐儀鳳二年歲次丁丑五月壬戌朔七日戊辰雕瑩功訖是立碑之歲距合葬又九十七年蓋碑爲曾孫所追立也君以周天和二年卒春秋八十有二推其生當在南齊武帝永明四年北朝爲魏孝文太和十年則其初舉茂才爲縣令歷官刺史爵淮南公同翔北魏以至後周幾六十年之久矣合葬龍山考其所在太平寰宇記汝州魯山縣本漢魯陽縣左傳陶唐氏既衰其後有劉累學擾龍氏以事孔甲龍一雌死潛醢以食夏后夏后享之既而使求之懼而遷于魯縣卽魯陽是也又曰堯山俗名太柏山水經注云堯孫劉累遷此故立堯祠於西山今山亦號大龍山因擾龍見稱碑所稱龍山似卽指此則其地在魯山縣北周屬魯州魯山郡北魏謂之山北縣屬廣州魯陽郡也碑云其地東窺邵堞伐楚之迹猶存西邇滎城避狄之隍如在水經注滎水出南陽魯陽縣西之堯山邵堞似卽召陵故城寰宇記云在許州鄆城縣東四十五

里漢為召陵縣即春秋楚屈完來盟於師盟於召陵也通志氏族畧杜氏亦曰唐杜氏祁姓帝堯之後建國子劉為陶唐氏裔孫劉累以能擾龍事孔甲故在夏為御龍氏在商為豕韋氏在周為唐杜氏成王滅唐而封叔虞乃遷唐氏于杜是為杜伯此杜氏得姓之始正與汝州龍山事相合然則杜君之居與葬皆在魯山也會孫善達義節等史傳無名其人似不諳文墨者碑文簡要有體必是能文者所為首行闕字當是撰人闕以俟填而善達等遽仍其闕摹勒上石又碑額篆體詭異惑人以

此揣之則天和之訛天統某里之原誤為倒置皆由書者舛誤而善達等之漫不加察可知也

李勣碑

碑連額高一丈八尺八分廣六尺五寸三十二行每行字數約九十餘行書額題大唐故司空上柱國贈太尉英貞武公碑十六字篆書在醴泉縣昭陵劉河村

大唐故司空太子太師上柱國贈太尉楊州大都督英貞武公李公之碑

御製 御書

朕聞四維紀地坤元所以載物八柱承天乾策由其列耀故軒丘御麀資六相以經綸豐水膺圖憑九臣而締

搆莫不道符金礪契叶鹽梅贊嘯龍騰風翔雲起公名

勛字懋功口州衛口口口口口口口口口口口口口口

口口口口口口口口口口口口口口口口口口口口口

口口口口口口祖康齊伏波將軍譙郡太守追贈濟州

刺史父蓋散騎常侍陵州刺史上柱國濟陰郡王後固

辭口改封舒國公贈潭州都督業傳弓冶代列簪裾載

德象賢口光惇史口口口口口口口口口口口口口口

口口口口口口口口口口口口口口口口口口口口口

口口口口口口英口年甫十七屬隨運分崩于時率土沸騰

羣方競逐黃龍白騎平動干戈丹浦綠林遞興氛祲家

負吞沙之力人懷練石之心李密據大洛以稱兵臨二

周而口濟公權推盟主暫口口口口口口口口口口口

口高祖神堯皇帝應昊穹而撥亂順斗極以龔

行四海樂推兆人思戴及密來投附公獨未歸既承其

旨方奉皇運誠於所事造次必形風霜之節其在茲矣

高祖乃詔公為黎州總管上柱國萊國公尋改

青曹公賜同國氏公臨危守義類文鴉之懷忠建築承

恩同奉春之得姓武德二年又授右武侯大將軍是時

國步未夷王塗尚梗太宗文武聖皇帝愍茲交

口大拯橫流公出贊元戎入參神算受分麾之重寄沐

賜榮之殊榮劉武周率彼犬羊憑凌汾晉 先朝

躬親矢石公則任屬偏裨蕭斧纔臨朝口俄翦口充實

德潛議合從南瀕控鶴之山北距飛狐之塞擁周韓之

銳卒驅趙魏之梟兵自謂力動天關威迴地軸口口營

口口月口口口口口口口口口口口口口口口口口口

口口口口口口口口口口口口口口口口口口徐員朗虔劉

齊地南征北伐並効深功憬彼凶奴自昔為患乘折膠

而犯鄣候滿月而來侵朔騎騁於唐郊胡笳沸於汾隰

巖林搖岳噉野騰川烽火照於口中羽檄飛於口下公

口口口口口口口口口口口口口口口口口口口口口口

口口口口口口口口口口口口口口口口口口口口口口

室似危葉之遇衝颺滅跡掃塵追奔逐北乃加食封九

百戶叅墟輿壤口迹所基傍控寶符之鄉近對金蓮之

域眷言樞要綏撫特難鎮俗威邊口口口口口口口口

口口口口口口口口口口口口口口口口口口口口口口

口口口口口口口口口口口口口口口口口口口口口口

口口口口口口口口口口口口口口口口口口口口口口

口口口口口口口口口口口口口口口口口口口口口口

之銘胡騎動陰山之口既而頻丁巨罰殆不勝哀累

詔寬解敦還口口口口口口口口口口口口口口口口

口口口口口口口口口口口口口口口口口口口口口口

先聖承

曲垂談宴緒言之際以朕託公便即齧指流血銘肌

記忠貞之操振古倚金石之心唯公而已改封英

國公授兵部尚書尋授特進太子詹事左衛率口口口

九年授口口道行軍大總管口口口口口口口口口口

先朝東征大破駐蹕尋授靈州道安撫大使破延隨於

馬德鞞山又授太常卿出為疊州都督尋除特進檢校

州刺史朕纂承丕緒延想舊勲又授公開府儀同三

司尚書左僕射口口口口口口口口口口口口口口口口

異宜踐位未淹遽申口讓朕成公之美權遂謙光尋拜

司空用旌口德傍剪九土上穆三台聿膺元武之符載

調黃鼎之餽彝倫式叙庶績其凝乃將有事口口以公

為口口口口口口口口口口口口口口口口口口口口

先朝親行吊伐雲衝萬道天兵四臨口醜

徒於握中置凶羣於凡上但聖心惻隱不忍坑

來賜以重生返其歸路猶復收合餘燼背義忘恩莫念

解網之仁還興舉斧之逆朕恭惟往志情切授

柯思清隧穴之祆誓雪園陵之憤昔王翦舊將

方吞南楚之強充國老臣始定西羌之孽立功立事者

德是懋故勞公暮年出征外域乃以公為遼東道安撫

大使行軍大摠管韞玉口之宏口口口口之妙口口口

口口口口口口口口口口口口口口口口口口口口口口口

口口口口口口口口口口口口口口口口口口口口口口口

不藉九攻之勞獲彼凶渠唯恃七擒之術傾源拔奔海

磬山空万代通誅一朝清蕩及旋拜太子太師口封二

百戶公自少及長口身奉國口口口口口口口口口口口口

口口口口口口口口口口口口口口口口口口口口口口口

上藥名醫相望道路日仁必壽竟爽神期天不憖遺殲

我良懿以總章二年十二月三日薨於私第春秋七十

有六朕口車軻慟去驚興哀爰命口寮廢朝七日口宜

口口口相鄭口口口口口口口口口口口口口口口口口口

口口口口口口口口口口口口口口口口口口口口口口口

月六日陪葬昭陵所築之墳一隄衛霍故事象

烏德韃山及陰山鐵山等以旄破北狄東夷之功焉其

遷葬之晨朕自至橫門投書永訣穿壁候疾不救鶴板

之灾登城口泣徒深蟻口之威口口口口口口口口口口

口口口口口口口口口口口口口口口口口口口口口口口

朋則虛舟靡逆行已則暗室無欺晦雨不革其音疾風

口知其勁奉親思孝遠彰懷橘之誠事上資恭無待觀

口之誠孫吳藝術弗學而生知管樂才口口口而斯口



○殆庶道光性與情希管樂器伴伊呂○物□□□□

○其二□□□□□□□□□□□□□□□□□□□□□□

○其三□□□□□□□□□□□□□□□□□□□□□□

表勁攝下唯○基身以正賜厚分駮恩隆得姓燮和師

律抑揚辭令其四營開偃月旆○連雲下江澄靄平林散

氛元池妙略黃石崇勲威橫百戰勇冠三軍其五□□□□

○□□□□□□□□□□□□□□□□□□□□□□

○其六□□□□慎同温室其六出車青徼申謀絳宮駕狄攻狄

驅戎伐戎鯨銷海晏蜃○樓空永殫逋藪長清大風其七

締搆邦基經綸國步戎盈辭滿鳴謙履素克壯其猷□

○歲暮凜○奇節温温□□其八□□□□□□□□□□

○□□□□□□□□□□□□□□□□□□□□□□

奉國其九負山潛遠夢瓊興愴階裂下台星沉上將朝悲

野泣投環輟相晉原長往埃圖徒望其十三河聚騎五校

陳兵旌軒委鬱笳挽淒清沉沉□□寂寂□□□□□□

○□□□□□□其十一□□□□□□□□□□□□□□□□

首墳象○山樹疑營柳人謠國頌天長地久其十二

儀鳳二年歲次丁丑十月庚寅朔六日乙未建

陰

十二行行十  
八字行書

唐太子太師英國公李勣以總章二年薨年八十六  
贈太尉揚州大都督陪葬昭陵起冢象陰鐵烏德韃  
山以旌勳烈今按其墓在昭陵之北距山麓八里  
南距今醴泉縣三十里冢高七十五尺東西綿延七  
十五步周圍二百步有羣峰高下崔嵬之狀勢極雄  
壯前有神道碑高二丈二尺廣五尺八寸五分鼈座  
甚偉乃儀鳳三年高宗御製御書過之者有以見一  
代元勳之遺迹也元祐四年二月六日奉議郎權陝  
府西路轉運判官游師雄題本司勾當公事宣義郎  
陳台邑主簿蔡安時尉司才玠同觀邑令宣義郎呂  
由聖命工刻石清源口持書

右唐李勣碑按唐史太宗屬疾出勣爲疊州都督高  
宗立召授檢校洛州刺史今以碑考之其除洛州乃  
在太宗朝高宗卽位授開府儀同三司爾又新舊史  
皆云勣年八十六而碑云年七十六碑高宗自撰其  
所書官爵年壽皆可信而不疑也

金石錄

公陪葬昭陵碑文高宗製並書行草神逸機流後半  
尤縱橫自如碑首御製御書四字大類褚登善余曾  
至碑下見碑高大過房杜諸臣豈以陛下家事之一  
言而爲是以報之耶

石墨  
鐫華

金石錄卷五十一  
贇廣韻作贇胡啖切獸名似犬多力出西海倒一虎者非也五經文字亦云贇于犬反從二虎從貝俗以二虎顛倒與說文字林不同此書用俗體倒一虎而又缺一筆以避太祖諱今人不識之矣蘇文舉開業寺碑亦用此體爾雅虎有力注出西海大秦國有養者似狗多力獷惡沈佺期驪州寄家人詩且懼威非贇寧知心是狼杜甫哀蘇源明詩不要懸黃金胡爲投乳贇寄劉峽州詩乳贇號攀石飢颺訴落藤注引炙轂子載贇銘曰爰有獷獸厥形似犬飢則馴服飽則反眼出於西海名之曰贇 梁昇卿御史臺精舍

碑作贇一武一虎更奇 文選左思魏都賦兼葭贇

崔蒨森李善注引說文曰贇分別也此又一義金石文字

記

趙氏云新舊史皆云年八十六而碑云七十六按舊書無此語其語諸子曰我山東田父耳位三公年將八十非命乎固與碑合也新書改將字爲踰誤矣勣本徐氏名世勣傳云至高宗時避太宗偏諱故但名勣而此碑王世充世字特缺中一筆未之避也虎嘯龍騰改虎爲贇以避高祖諱廣韻作贇胡啖切倒一虎者俗體也亦缺一筆與周孝明皇后碑簞字號字

末筆皆不全同勣起降虜得與顧命高宗廢后立昭儀依回容祿與許李同議所謂大臣以道事君者固若是耶雖保首領于生前卒以其孫敬業舉兵討武氏至于掘冢暴骨亦可哀已若敬業者事雖不成不謂之蓋愆不可又按勣常暴疾醫待鬚灰太宗乃自翦須和藥賜之勣姊病自為粥而療其鬚一傳之中鬚事兩見君臣誼篤姊弟情真求之今日益亦鮮矣而碑不之及豈傳聞有未實乎碑云先朝東征大破駐蹕授靈州道安撫大使雖于勣之遷除無甚關係亦足以補史之缺金石後錄

碑叙次與本傳畧同惟討劉武周一節傳不及之耳

關中金石記

碑剝落所記英公進爵歷官案之本傳皆符然碑載武德二年又授右武侯大將軍今傳無之又載劉武周率彼犬羊憑陵汾晉先朝躬親矢石公則任為偏裨而傳亦畧不書下所載者有云先朝東征大破駐蹕尋授靈州缺撫大使被延陀于烏德韃山缺太常卿出為疊州都督缺除特進檢校洛州刺史朕纂承丕緒延想舊勳又授公開府儀同三司缺案此太宗嘗欲英公致力高宗故暫置于外裨高宗自為擢用

故今碑雖殘而文尚可推次傳旣云翟讓爲盜勸年  
十七往從之而碑作年甫十七亦相合攷讓起于大  
業末則在煬帝十三年是時英公益已十七矣及薨  
于總章二年其數正七十有六今碑所書者是也而  
勸本傳于其屬疾之日云云我山東匹夫耳位三公  
年踰八十然則八十當作七十史家以七八數目字  
易涉混因致此誤也傳云葬日帝與皇太子幸未央  
古城哭送碑亦云遷葬之辰朕自至橫門投書永訣  
較史亦有詳畧文內八柱承天乾道由其廣運四維  
紀地坤元所以載安是知締構經綸必佇風雲之佐

燮諧樞宇威資川嶽之靈故軒邱御展六相宣其景  
化瀉水乘時五臣濟其鴻業數語王著採入淳化閣  
帖作太宗書今見爲高宗御製及書著何次第乖忤  
至此黃伯思法帖刊誤亦未之及故書之以補伯思

所遺

授堂金  
石跋

按此碑下截磨泐存者得十之六其大較與兩唐  
書同惟所叙歷官間有先後詳畧不同之處而碑  
中缺字有可据史補足者碑云公名勸字懋功曰  
州衛口口舊唐書傳云曹州離狐人隋未徙居滑  
州之衛南碑云祖康齊伏波將軍譙郡太守追贈

濟州刺史父蓋散騎常侍陵州刺史上柱國濟陰  
郡王固辭改封舒國公贈潭州都督舊傳不及其  
祖但載其父官封在勳歸唐之初年而又不書其  
贈都督事又祖康以上碑缺四十餘字當是載其  
曾祖而不得見也碑云年十七歸李密新傳云年  
十七推李密爲主署爲右武侯大將軍東海郡公  
據舊史李密傳大業十三年二月密號魏公卽位  
稱元年以徐世勣爲右武侯大將軍按勣以總章  
二年薨年七十六推其生在隋開皇十四年至大  
業十三年勣年實二十四矣碑云高祖詔公爲黎  
州總管上柱國萊國公尋改青曹公舊傳同惟黎  
州作黎陽青曹作曹國新書作黎州惟萊國公誤  
作英國公碑云太宗文武聖皇帝大拯橫流公出  
贊元戎入叅神算劉武周王充竇德徐圓朗南征  
北伐並効深功乃加食封九百戶據高宗本紀秦  
王討劉武周武德二年事是年十一月勣爲竇建  
德所執三年始自拔來歸而三年三月秦王復與  
武周戰于洛州武周亡入突厥其時勣不同戰也  
四年伐王世充敗竇建德勣皆從之又從破劉黑  
闥徐圓朗皆五年事碑云先聖承閑曲垂談宴緒

金石錄卷五十一  
言之際以朕託公改封英國公授兵部尚書尋授  
特進太子詹事左衛率舊傳云高宗爲晉王遙領  
并州大都督授勳光祿大夫行并州大都督府長  
史父憂起復十一年改封英國公復以本官遙領  
太子左衛率十五年徵拜兵部尚書是徵兵部在  
後授衛率在前相距五年也碑云口口口九年授  
口口道行軍大總管下缺先朝東征大破駐蹕尋  
授靈州道安撫大使破延陁於烏德韃山又授太  
常卿出爲壘州都督尋除特進檢校口州刺史朕  
纂承丕緒又授公開府儀同三司尚書左僕射九

年上缺字當是貞觀十九年下缺字是遼東道也  
是時太宗親征高麗勦從太宗摧殄駐蹕陣以功  
封一子爲郡公碑不載封一子郡公事破延陁是  
二十年事授太常卿是二十二年事舊傳云轉太  
常卿仍同中書門下三品旬日復除太子詹事碑  
皆不書出爲壘州都督乃二十三年太宗寢疾時  
事檢校口州刺史泐一字据傳乃洛州也是高宗  
初卽位事舊書高宗紀二十三年六月甲戌朔帝  
卽位辛巳壘州都督英國公勣爲特進檢校洛州  
刺史癸巳爲開府儀同三司同中書三品八月癸

西朔爲尚書左僕射碑云踐位未淹遽申口讓朕  
成公之美權遂謙光尋拜司空用旌口德此數語  
是高宗册拜司空之制詞据舊傳勣表求解僕射  
在永徽元年册拜司空在四年也碑云勞公暮年  
出征外域以公爲遼東道安撫大使行軍大總管  
及旋拜太子太師口封二百戶据傳是摠章元年  
事二年加太子太師增食實封通前一千一百戶  
蓋前是九百戶今加二百戶通爲千一百戶也摠  
章二年十二月薨咸亨元年二月六日陪葬昭陵  
据本紀是年三月甲戌朔始改元咸亨則二月六

日尙是摠章三年而碑已書咸亨者文撰於葬後  
故也碑云所築之墳一准衛霍故事象烏德韃山  
及陰山鐵山等以旌破北狄東夷之功語與傳合  
陪葬昭陵者惟李靖與勣皆起家爲山以象戰功  
長安志昭陵圖靖起家象磧石山勣起家象陰山  
也碑云遷葬之晨朕自至橫門投書永訣傳稱帝  
幸未央古城登樓臨送并爲設祭不云投書永訣  
也此亦足徵高宗飾終之殊典僅見此碑碑立於  
儀鳳二年距其葬八年始是築墳功畢而始建碑  
也傳繫召拜洛州刺史在高宗初卽位而碑書于

纂承丕緒之前者以洛州爲起用之初階不足重  
輕故連叙于疊州都督之下以授開府儀同三司  
爲遵太宗治命起用之重事故以纂承丕緒二句  
冠于前金石錄蓋未細玩碑文也則天臨朝勳孫  
敬業舉兵則天追削敬業祖父官爵剖墳斲棺中  
宗返正令所司速爲起墳是游師雄所見之勳墓  
毀而復築者尚高大如此可知唐時厚待功臣之  
恩禮雖歷久遠如一轍也授堂跋謂文內八柱承  
天乾道由其廣運數語王著採入淳化閣帖作太  
宗書今見爲高宗御製及書著何次第乖忤至此

按此數語與此碑文雖相似而實不同當時鴻篇  
鉅製其通脫語大率相類太宗書者另是太宗一  
種王著採入閣帖非卽此碑授堂亦未細檢也資  
治通鑑貞觀二十三年五月戊午以同中書門下  
三品李世勣爲疊州都督世勣受詔不至家而去  
註云史言太宗以機數御李世勣世勣亦以機心  
而事君此二語今檢兩唐書勳傳皆無之不知本  
何史也又貞觀政要任賢條叙李勣事太宗嘗曰  
李靖李勣二人古之韓白衛霍豈能及也註云按  
史傳二十三年帝疾謂太子曰李勣才智有餘然

金石錄卷五十一  
汝與之無恩恐不能懷服我今黜之若其卽行俟  
我死汝用爲僕射親任之若徘徊顧望當殺之乃  
授疊州都督今檢兩唐書勳傳亦無任之殺之之  
語不知所謂史傳者又何史也碑爲高宗自製宜  
乎語不及此然勳之出守疊州後人致多議論附  
識于此備讀史者攷焉碑中稱勳皆用公字高宗  
爲人臣製文稱勳爲公亦金石之一例也

李万通造像記

記橫廣一尺五寸三分高六寸四分十四  
行行五字正書今在河內清化鎮石佛堂

大唐儀鳳三年歲在戊寅七月乙卯朔十七日辛未弟  
子李万通及妻徐合家等敬造彌勒像一軀上爲  
天皇天后又爲亡父見存母賈及七祖先靈存亡眷屬  
法界蒼生俱登正覺

開業寺碑

碑高一丈廣四尺七寸三  
十一行行六十八字正書

大唐開耀二年歲次壬午二月乙丑朔八日壬申李公  
碑并序

李尙一簞

武功蘇文舉書

八龍荀里榮問在於當年駟馬于門餘慶消於終古

亦有漢將軍之甲第磨滅成空魯司寇之華堂摧殘已  
盡豈不以泡露倏忽陵谷遷移寂寥千載煙塵四合雖  
後武陵洲曲時逢李衡之樹山陽苑中頗見嵇康之竹  
竟未能激揚真界取大壯於龍宮欽崇妙境授全模於  
象塔是用神居肅穆靈德支持縱石盡而猶存與金剛  
而不壞鞠遺蹤於茂草彼或未思攀勝果於堅林我誠  
先覺開業寺者後魏黃門郎使持節衛大將軍陝州刺  
史都督冀定瀛相殷五州諸軍事定州刺史尚書令司  
徒公固安縣開國伯李公捨山第之所立也其地則前  
臨漳水金鳳騁光而振儀却負常山玉馬騰姿而絕影  
東瞻峻堞宛若香城西據崇巖依然雪嶺蓋全趙之勝  
地焉公諱裔字徽伯趙郡元氏人也珪璋盛德代資卿  
相之材鍾鼎貴遊人負河山之氣便繁竹使入天門而  
上八重密勿槐庭登太階而步三級朱輪趨闕拜天子  
於南宮黃閣當衢肅羣公於北里位望隆矣歡娛極矣  
乃喟然歎曰假使門兼萬石不能遣生滅之源家累千  
三不能去吉凶之域以爲同生者物異物者超生滯教  
二方離方者會教挹三明而豁悟乘公正以虛求爰貶  
一於豐家庶推煩於朽宅及其高臺未毀曲池猶濬迴  
一倫之業作須達之園昔我宴居今成法宇變歌梁於

殿卽下梵塵移舞觀於花臺還飄淨雪入功德水波  
遠西舍之池四禪定林影庇東隣之樹余其考輪奐度  
崇高或仍舊而標迹或惟新而廣制隨方授矩基階因  
巨壑之形審曲裁規垣院取重巒之狀岩堯香閣涌地  
神行窈窕禪樓中天化立千門遠閤當斷岫而全開百  
棋危承隱連峯而半出垂珠綴玉日月迴薄於山牕刻  
贊圖龍風雲吐納於巖棟優填靈匠盡變態而無窮閣  
崛真容極尊嚴而有睟青蓮目湛猶縱觀於南浮丹菓  
層開似微言於西竺詭狀千名而競出殊名萬計以爭  
陳觸類長之能事畢矣先是有沙門僧明曇寶等並不  
知何許人屬魏氏之遷都隨孝文而戾止咸以冥通瞻  
範風證良緣非聲聞乘是菩薩行洞機靈於物表形影  
相於人間觀茲願力其謀經始當由道資冥助故使天  
隆異人大矣哉諒福庭之宸也于彼延昌之末錫其偃  
角之名孝昌年際改爲隱覺自魏廢齊僧徒彌廣德均  
鶯鷺數若稻麻泊乎周季道消芟夷像教斯虐主之稱  
亂甚魔王之未降四口八藏之文咸淪汲冢飛錫乘杯  
之侶悉陷秦坑遂使多寶湮覆支提廢毀散給勳臣以  
充園第可爲長歎息矣公之嫡孫龔固安伯祖元緒感  
遺墟果蒙恩賜城侔越國淨王多後嗣之家地擬齊厘

安子據先臣之宅既而蒼精失御赤運登符大鑿妙有  
黃標靈刹慧日昏而還曙法流塞而更通祖元復捨舊  
而爲淨域北堂安寢之處重扇麤風東閣招賢之所  
再流清唄遂能上聞旋纘光動絲綸以公淨業攸開更  
以開業爲稱首俄而燬室云謝波旬縱憑寰中法侶盡  
嬰塗地之災海內仁祠多溺滔天之浸唯此靈構歸  
獨存因大聖之依憑威傾六賊賴諸天之守護壤隔二  
災苟非至德通神奇工入妙其孰能與於此也 皇  
首出大拯橫流繫醉象而定昆陽斬毒龍而清冀野  
淳風於上菜集甘露於中枝都幾壯而帝服開國

淨而天冠做蜂臺切漢方演化於時和鳳刹臨雲尙  
名於朝命祖元第二子維摩武德年中趙定二州別駕  
屬乾坤漸泰曦望初華攀龍之茂績旣宣展驥之休聲  
克著永言堂構題目闕如屢有申聞情逾懇至重使澤  
流塵地金輪轉北走之途 渙發紫泥銀榜照東方之

國粵以貞觀四年還賜舊額爲開業寺也上座圓徹寺  
王圓鏡都維那道英大德僧道寬智習圓一圓真道通  
心倫道名等並董脩戒範持護律儀騰逸氣於三空汎  
仙舟於八解鳩摩羅什望景傾魂鴈門慧遠聞風動色  
且夫難捨能捨遠人隆百代之基從明入明君子積萬

年之祚誠哉斯道信而有徵公第五子子雄隨輔國將軍平東將軍左金紫光祿大夫通直散騎常侍驃騎大將軍儀同三司使持節豪州刺史鴻臚卿進爵高都公河北道行臺兵部尚書曾孫緯 皇朝宗正衛尉司農三寺卿金紫光祿大夫荊州大都督府長史幽州都督戶部尚書太子詹事懷洛蒲三州刺史襲高都公緯弟俊 皇朝楊州大都督府兵曹參軍汴州封丘易州易縣舒州太湖三縣令朝議郎行商州司馬上騎都尉箕裘遙襲蕞蔗苑而彌昌蔽冕相承託檀波而轉盛大仙幽讚卿長則累棗無慙大覺顯仁公侯則連華必復擬比夫謝家遺宅徒擬甘棠韓國舊臺空傳酸棗而已此寺爰初締葺迄乎崇麗公又發靈誓願圖徽曠劫乃建豐碑將符鏤鼎嗟乎十鳥傾日二鼠催年空留白瓦之名未勒黃金之字俊第八子宣德郎行本州錄事參軍事雲騎尉崇哲即公之驪孫也風神秀嶷器業甄明發揮經史抑揚詞翰申鴻漸於上藩屈鵬搏於中錄雖榮麻作牧褰襜之位未登而仕口還鄉衣錦之遊斯在欽惟舊德禋若先功望鹿園而拜首登鷲山而禮足於是仰挹緇徒傍詢碧殿翦荒苔而相質允屬謀孫訪麗薰而披文無遺小子乃命從姪尙一製文焉尙一學謝

探微詞慚析妙謝安庭序叨承白雪之篇韋孟宗祧敢  
遺形弓之詠庶使家風入偈抗佛土以飛英祖德惟真  
德僧祇而不朽重宣此義乃爲銘曰

矣哉東墅免乎西第榮觀一時湮沉千歲邪山易擁愛  
河難濟徒徇假名竟迷真諦其達人藹藹情洞如如爰

推別業式建精廬跨谷彌阜乘危躡虛傍通碣館直拓  
漳渠其凌雲之口匪日而就廣制彌新崇基卽舊虬檐

吐嶠鳳蕤銜岫月落上楹星迴中雷其有周滅德怠弃

眞寶勝彼伽藍咸成鞠草泊于赤帝紹隆靈道弊風一  
革慈雲再造其漢東鹿走燕南狼藉毒被王城災延帝

石四魔怙亂三乘泯迹獨此招提居然不易其功符此  
造事叶神憑妙物凝粹真人效徵 皇家鳳舉 帝室

龍興一戎庑定五濁攸激其法門旣闢口源載返道賁

仍山恩孚奈苑鷄峯仞積鵲池波偃地絕風塵人多林  
遠其七州論德四口標榮猶嬰有待豈悟無生我祖騰

懿天師配明還因梵筆永播家聲其

按此碑標題年月日李公碑標題之有年月朔日

此碑文乃紀李公捨宅爲寺歷世修建之功德也



次二行曰李尙一篡武功蘇文舉書尙一文舉皆


無傳纂有纂撰二音義亦相通漢書藝文志書之

所起遠矣至孔子篡焉然用以代製文則他碑未見書人云武功而篡者不書里貫蓋尚一卽李公之族五世孫也碑云開業者後魏李公捨山第之所立也公諱裔字徽伯趙郡元氏人云云魏書李裔附李順傳稱順趙郡平棘人碑稱裔元氏人魏書地形志元氏平棘二縣同屬趙郡蓋裔與順居同郡而異縣也傳稱裔歷官大較與碑同惟贈之碑作五州傳作四州蓋無相州也北史傳稍畧碑有候衛大將軍北史同而魏傳無之裔二子長子旦次子雄北史傳稱子雄仕周累遷涼州總管長


史破吐谷渾功加上儀同宣帝卽位拜亳州刺史隋文帝摠百揆徵爲司會中大夫加位上開府受禪拜鴻臚卿進爵高都郡公晉王廣鎮并州爲河北行臺兵部尙書此子雄之歷官也碑不載周時官而入隋以後較傳爲詳餘祖元緯俊崇史俱傳碑云其地前臨漳水却負常山漳水有二源一曰清漳一曰濁漳漢書地理志上黨郡治大黽谷清漳水所出長子鹿谷山濁漳水所出二水分流至交漳口合而爲一又自廣宗縣北行至趙州寧晉縣會滏陽河抵冀州入滹沱常山卽恒山漢高

祖分鉅鹿郡置恒山郡因山爲名避文帝諱改曰  
常山漢書武帝紀天漢三年幸北地祠常山者是  
也管子云其山北臨代南俯趙東接河漢之間是  
漳水常山皆爲趙郡山川之勝而開業寺之形勢  
亦可見矣裔爲元氏人則寺當卽在其縣今檢畿  
輔通志元氏縣無開業寺之名惟欒城有之欒城  
與元氏同屬趙郡然云是元秦定中建則非此開  
業矣寺創于延昌之末迄開耀壬午相距百八十  
年而始立碑蓋元孫重葺此寺追述其緣起于高  
祖也釋氏檀越歷數世而不衰如李氏者可謂繼  
矣壬午歲二月癸未改元永淳是月乙丑朔改元  
在十九日而立碑在八日故仍稱開耀二年





金石萃編卷五十九終



金石萃編卷五十九

五

